

# ياسمين

سيناريو وحوار: ماجي وليد

مشهد 1

ليل اداخلي (شقة-صالون)

نري اثني عشر شابا وفتاة في اواخر عقدهم الثاني جميعهم يرتدي سترات كريسماس، والاضواء البراقة حولهم في كل مكان، ونري ان الجميع مبتسم وسعيد.

-فويس اوفر ياسمين:

"النهاردة اخر يوم في لسنة، اليوم اللي بيتجمع

فيه الاهل والصحاب عشان

عشان يحتفلوا."

ونري ثلاث فتيات ضاحكات، ثم ننقل لفتاة وفتي يمسكون ايدي بعض بينما يرتشفون القهوة والكافو، ونري شلة شباب من فتيان وفتيات يضحكون معا، في شقة مليئة بزينة احتفالات رأس السنة الجديدة، وشجرة الكريسماس الملأنة في منتصف الكافيه.

نري شلة فتيات يرقصن، وفتيان يشيرون ناحيتهن.

-فويس اوفر: "واكيد اي شاب في الفترة ديه بيبقي عندوا امل

ان السنة الجديدة هتبقى احسن، وحياته هتتقدم."

نري شاشة كبيرة تعرض عد تنازلي والشباب يرددون

-الشباب: "خمسة..اربعة..ثلاثة..اتنين..واحد

-ياسمين: "الا انا."

-صمت لثواني-

ظلام تام.

ثم تنير الشقة فجأة بالوان بارقة.

-الجميع:- "

هابي نيو بييرررر!"

نري فتيان يعانقوا فتيات، وشباب يطلقوا بلونات وزينة.

-فويس اوفر: "ميعرفوش ان مفيش اي حاجة بتتغير

غير انهم قربوا اكثر من الموت.

نري ياسمين تجلس في بلقونة شبه مظلمة، بينما الحفلة بداخل الشقة، ممسكة كتاب تقرأه. ثم تبعد نظرها عن الكتاب، و تنظر نحو الصالة حيث الضوضاء بالداخل بينما تهز رأسها يمينا ويسارا.

-فويس اوفر:

"ميعرفوش ان الحياة بتبقي دايماسوء مش احسن.

التضخم بيزيد.

الاحتباس الحراري قرب يدمر الكوكب.

ماية واكل اقل

الناس بتتفقر اكثر.

نسب الطلاق بتزيد.

حروب بتبدأ."

نرجع مرة اخري لياسمين، وهي تنظر من البلقونة للحفلة وتعابير الملل تملو علي وجهها.

ترجع ياسمين للنظر في كتابها بلا اكرات.

-فويس اوفر:

ميعرفوش ان كل اللي احنا عايشين فيه ده

مجرد

او هام ربنا بيختبرنا بيها

"زي الماتركس.

-قطع-

ليل\داخلي-غرفة النوم

نري فتاة في الظلام امام مكتبها، تكتب في ورقة بيضاء.

-فويس اوفر ياسمين:

"عشان كده انا اخدت قرار

اصل احنا عايشين في عبث.

بنتعلم عشان نشتغل. وبنشتغل عشان نجيب فلوس

وبجيب فلوس عشان نعيش. وبنعيش عشان نموت.

انا اسفة، بس مش هقدر اكمل في الحياة ديه.

مش هكمل في العبث ده"

-فويس اوفر رنيا، قاطعة للكلام:"متقوليش ان الشخصية هتنتحر في الاخر."

نقطع وتختفي الغرفة المظلمة والفتاة.

لنري سيدة وشابة صغيرة تجلسان في صالة، السيدة بعمر ال40 عاما رنيا، الشابة التي تجلس في مقابلتها هي ابنتها، ياسمين ذات ال20 عاما. ونري ياسمين وهي تقرأ من مفكرة، وتجلس بجانبها رنيا.

وتضحك ياسمين.

-ياسمين: "احسن حاجة بتعملها شخصياتي، بتنهى معاناتها."

تضحك رنيا.

-رنيا: "حلوة اوي القصص ديه، بس بطلي تخليهم

ينتحروا في الاخر!"

تهز ياسمين كتفها.

-ياسمين: "الحياة مفيهاش نهايات سعيدة."

-قطع-

مشهد 3

نهار\خارجي-كافتيرا الجامعة

نري يارا من بعيد وهي تشير الي ياسمين. تتجه ياسمين ناحيتها، وعندما تقترب تستعد يارا لقول شيئا ما، لتوقفها ياسمين بحركة منها.

-ياسمين: "الموكا."

-يارا: "طلبت."

-ياسمين: "حرفيا أنت احسن صاحبة صاحبها في حياتي."

-يارا: "انا صاحبة الوحيدة اللي في حياتك."

-ياسمين: "بالظبط! مهو عشان انت احسن صاحبة في حياتي."

تأخذ ياسمين كوب الموكا. ويجلس كل من يارا وياسمين في مقعد بالكافتيريا.

-يارا: "انت جيتي بالهودي بردوا؟ ليه مش لابسة للبريزنتيشن؟"

-ياسمين: "ليه البس للبريزنتيشن؟ مكنش

بريزنتيشن الامم المتحدة.

ده بريزنتيشن منتن ابو خمس درجات صباح الفل."

-ياسمين، ممسكة دماغها كمن اصابها الصداع: "المحاضرة الأولى بلودي ماري ولا الحيزبونة؟"

-يارا: "دكتور جيهان."

-ياسمين: "السيكو. اععع."

-يارا: "سلمتي الأسيمنت بتاعها؟"

-ياسمين: "مش هو الديدلاين بتاعه بكرة الساعة 12؟"

-يارا: "اه."

-ياسمين: "يبقي لسه بدري."

-يارا: "ليه بجد بتعملي في نفسك كده؟"

تهز ياسمين كتفها بلا مبالاة.

-ياسمين: "مش بعرف افكر واشتغل كويس"

الا وانا مزنوقة زنقة كلاب."

-يارا: "ومع ذلك بتجيبني"

Grades

حلوة. بس لو ركزتي أكثر في الحوار ده ممكن تطلعي

من الاوائل وتتعيني معيدة."

-ياسمين: "حرفيا مش مهتمة بربع جنيه ابقي معيدة"

. ليه ممكن اي حد اصلا يعمل كده

في نفسه! يبقي عبد تحت الدكتور ويتعامل مع شوية اطفال

يدوب لسه خارجين من المراهقة  
ويشغلوه بال12 ساعة عشان ياخذ الف جنيه ووجبة.  
ده عبط اصلا.

-يارا: "امال انتي مهتمة بأيه؟"

-ياسمين: " سيبك انت  
انا كنت عايزة اخد رأيك عن البريزنتيشن بتاع النهاردة."

-قطع-

مشهد4

نهار\داخلي-صالة المحاضرات

نري غرفة المحاضرات مليئة بالطلبة والجميع يتكلم مع الجميع.

-يارا: "بس البريزنتيشن بتاعك تحفة. والفكرة

Out of the box

انا متأكدة انك انت اللي هتكسي الجائزة."

تدخل دكتور جيهان والجميع يسكت في لحظة.

-دكتور جيهان: "النهاردة هنتكلم عن توبيك مهم جدا، بس قبل  
ما نتكلم عليه حابة اعرفكم ان الليكتشر ديه لازم كله يشارك فيها،  
والمشاركة بخمس درجات."

-ياسمين بهمس ليارا: "اهم موضوع في العالم كله، ازاي ممكن

ف

Win an argument

مستخدما المونكير الأحمر. "

-دكتور جيهان: "...التمييز الجنسي او

Gender discrimination

، وازاي ده بيأثر اجتماعيا وسياسيا."

تصدر ياسمين صوت ضحكة مكتومة.

-ياسمين، همسا ليارا: "موضوع مهم جدا."

دكتور جيهان: "مين هنا يعرف يعني ايه

Gender discrimination"

".

من ضمن عشرات الطلبة غير الكثرئين بالمحاضرة ، ترفع احدي الطالبات بحماس شديد.

-تهمس ياسمين: "يااا...سندس اكتشفت الذرة دلوقتي."

-دكتور جيهان: "قولي يا سندس."

-سندس، يصوت شبه ريبوتي: "التمييز الجنسي

هو التفرقة العنصرية بين الذكر والأنثي."

-ياسمين: "ترجمت كلمة

## Discrimination

لتفرقة

عرقية يا سندس."

-دكتور جيهان: "اوكي...حلو اوي، اي تاني؟ مين يقولي علي مثال؟"

ترفع فتاة من فتيات ايجبت يدها.

-دكتور جيهان: "اتفضلي يا كنزي."

-كنزي: "يعني مثلا ان الام تقول لبنتها انها تنصف لاخوها

الاوضة بتاعتوا او تخدموا."

\*تطلق ياسمين ضحكة خافتة\*

-ياسمين، بهمس ليارا: "هو انا بجد في الجامعة!"

-دكتور جيهان، مجارية للطلبة: "اوكي... طب تفكروا مين السبب في التفرقة العنصرية ديه؟"

-الطلاب بشكل متتالي: "المجتمع الذكوري."

"

Lack of moralities"

" اصحاب البيزنزيس...."

-يارا: "

## "Lack of education"

تميل ياسمين رأسها ناحية يارا.

-ياسمين، بهمس: تفكري لازم اجاب علي  
اسألته الغبية، ولا انقص خمس درجات وانا ساكتة."  
-يارا، بهمس: "هنخسري ايه لو جاوبتي."

ترفع ياسمين يدها بشكل فاتر، وتشير لها الدكتورة.

-ياسمين، فجأة بملل: "الأمهات هما السبب."

الكل يسكت، وينظر لها لثوان.

-دكتور جيهان: "ممكن توضحيلنا يا ياسمين تقصدي ايه."

تنظر ياسمين للجميع للحظة بتردد، من الواضح انها لم تكن تتوقع هذا.

تتنفس ياسمين بقوة.

-ياسمين: "ااه. احم. الامهات هما في الحقيقة اللي متحكمن في كل حاجة..

تبدأ باسترداد في بعض الثقة بنفسها.

-ياسمين، مكلمة:

"من بداية الحضارة،

لأنهم هما اللي بيعملوا الناس اللي بتعمل الحضارة ديه.

يعني مثلا، في المثل اللي قالته كنزي، مين اللي فضل اختيار الاخ عن الاخت؟ مش الأم.

مين اللي في ايده يشيل مسؤولية ويحمل مسؤولية جوة البيت وبين الاطفال؟ مش الام.

مين اول عدوة لمرات الولد؟ مش بتبقي الأم؟

والغريب في الموضوع ان نفس الام ديه كانت هي مرات الابن  
اللي عانت بسبب حماتها وكانت بردوا البننت  
اللي بتخدم اخوها، وكانت الطفلة اللي اتحرمت من اللعب  
عشان هي بنت. اتحولت من شخص مظلوم لظالم!  
طيب حد فيكم فكر ليه الامهات دايمًا بتبقي عدوة مراتات الابناء؟  
او بتفرق بين ابنها وبننتها.  
عشان سبب بسيط اوي وهو ان جت ست زيتها تقدر تنافس علي السلطة  
وتأخذ منها قوتها الوحيدة."

-سندس: "طب ما ممكن الاب بردوا يبقي عنصري."

-ياسمين: "طبعًا ممكن. بس بردوا نرجع لسؤال الفرخة ولا البيضة.  
مين اللي ربي الأب ده؟ مش ام بردوا؟ وحتى لو افترضنا ان هو الاب طلع عنصري مش بسبب الام،  
فهيبقي بسبب المجتمع اللي في الحقيقة اتعمل بمجموعة امهات.."

-دكتور جيهان، بتجاهل: "تمام. حد عندوا اي رأي تاني؟"

هكذا تسكت الدكتورة ياسمين، وتكمل شرحها كان لم يكن.

-دكتور جيهان: "متنسوش يا اولاد اسيمنت

### Critical assignment

الديو بتاعوا بكره الساعة 11، مش هقبل اي تأخير او اي اذار."

-قطع-

مشهد 5

نهار داخلي-كوريدور الجامعة

نري كل من ياسمين ويارا مع فتاتين اخريتين، تهاني ورشا، يقفن بكوريدور الجامعة.

-ياسمين: "ايه الهبل اللي انا فيه ده! هو ايه تميز عنصري وتميز بتجانني.

عمالين يلتوا ويعيدوا في مشاكل عالم اول اصلا،

بجد انا قعدة مع شوية ناس بدماغ عبيطة اصلا مش في جامعة."

-تهاني: "فين الهبل، انت مش شايفة ان في تميز شنيع بين

الرجالة والسنتات؟"

-

-ياسمين، بصبر: "حبييتي. كلوا بيعنصر علي كلوا.

الاغلبية بيعنصروا علي الاقلية، القوي بيعنصر علي الضعيف،

الغني بيعنصر علي الفقير، الموضوع اساسه

مش راجل وست، احنا عايشين في غابة متحضرة وديه سنة الحياة."

- يارا: "بس انا شايفة ان

Racism is a big problem.

ويتأثر سياسيا."

-ياسمين: "وانا شايفة اللي بيتكلموا بطريقة

الشعارات ديه مش بيقدموها او بياخروا."

-رشا، بدفاعية: "يعني انت شايفة انك تاخدي فلوس اقل

من الراجل علي نفس الشغل ديه حاجة عادية."

-ياسمين، ضاحكة: "وحياتك لا الراجل ولا الست بياخدوا فلوس كده كده،

وبعدين تاني، ديه مشكلة عالم اول عشان ي

### Distract

بيها الناس، زي الترنادات عندنا كده،

لو عايزة تتكلمي عن التفرقة اتكلمي عن المجتمع، ازاي المجتمع

بيعنصر علي اي حد مختلف ولو بشكل هامشي،

يعني شوفي الناس بتتكلم ازاي علي ولد وزنوا زايد،

او ولد بيعاني النحافة، او ولد قصير او بنت متجوزتش،

او بنت اتجوزت ومخلفتش، او بنت اتجوزت وخلفت واتطلقت ،

شوفي الناس بتعامل ازاي الأفارقة في الشارع عشان لون بشرتهم مختلف،

التميز العنصري في دمننا في كل حاجة تقريبا، لأننا ببساطة بنخاف

من اي حاجة مختلفة ولو بشكل طفيف وهامشي،

والسبب، الجهل، لان الجهل بيعمل خوف،

عشان كده العنصرية ما هو الا عرض لمرض.."

-رشا، بعدوانية: "ده كلام عشان ملهوش اي معني

لانوا مش بيقدم ولا بياخر غير انوا

بيبرر الذكورية."

-يارا: " ياسمين عندها حق، بس بردوا ده مينفيس ان

## Discrimination against women

حاجة مهمة.

"

-ياسمين، بهدوء: "انا مش برر حاجة، انا بشرح.  
اكيد العنصرية ناحية الستات قضية مهمة، ومشكلة حقيقية في المجتمع  
بس لو عايزين نحل المشكلة فلازم نروح لجذر المشكلة."

-يارا: "عندك حق بس انت رأيك ايه الحل؟"

-ياسمين: "الحل ببساطة التعليم. ومش قصدي التعليم المنهجي  
قصدي التعليم الحقيقي، التعليم الذاتي  
".

-تهاني، بسخرية: "طب ما برا متعلمين وبيتحرشوا بالستات."

-ياسمين: "تهاني، حبيبتني، استعلمي ودانك، انا بقول التعليم الحقيقي، مش تعليم  
المدارس اللي هدفه انه يعلمك ازاى تجمع  
درجات عشان تعدي مش انك تطور دماغك."

-رشا، بسخرية: "يعني انت لو حد اتحرش بيكي  
هتسامحيه عشان المجتمع الجاهل معلمش المتحرش  
حاجة عن الستات؟"

تنظر ياسمين لرشا لدقائق، بينما تحافظ علي اتصال عيناها بعيني رشا.

-ياسمين، ببطئ وهدوء: "انت مش مطالبة تسامحي اللي اتحرش

بيكي يا رشا."

يتغير لون وجه رشا، وتنقلب ملامحها.

-قطع-

مشهد 6

نهار\داخلي-ممرات الجامعة

نري ياسمين ويارا تمشيان في ممر الجامعة، بينما تتهامس مجموعة من الفتيات بينما ينظرون لياسمين باحتقار.

-يارا: "عرفتي ليه معندكيش اصحاب؟ مش المفروض تبقي صريحة بالشكل ده."

تهز ياسمين كتفيها بلا مبالاة.

-يارا: "بس انت ازاي عرفتي ان رشا كانت ضحية تحرش؟"

-ياسمين: "لانها مش بتتناقش بموضوعية وكانت عاطفية وهي بتتكلم."

-يارا: "معقتدش انها هتتكلم معاكي تاني."

-ياسمين، بلا اهتمام: "بصراحة، مش مهتمة.

لو هي فاكرة انها كده هتحرر المرأة

انها لو اي حد يختلف معاه تقول عليه عنصري

بيقي علي الله حكايتها.

وبعدين شوفتها كانت بتتكلم

معايا، ازاي؟ كأي انا السبب وبدافع عن التحرش ومشاكل طفولتها كلها

وانا حرفيا معملتهاش حاجة."

نري كل من ياسمين ويارا تدخلان في غرفة المحاضرات.

-قطع-

مشهد 7

نهار\داخلي-قاعة المحاضرة

يجلس حوالي ثلاثون طالبا وطالبة، جميعهم يرتدون ازياء رسمية وبذلات، كلهم باستثناء شخص واحد فقط  
يجلس في اخر صف.

تجلس ياسمين بلا اهتمام، بينما تجلس يارا بجانبها بالغرفة الشبه مظلمة باستثناء الضوء القادم من  
البروجيكتور الذي يعرض بروجيكت احد الطلبة.

يتوقف الذي كان يقدم مشروعه عن الكلام، ويفتح الدكتور هشام نور القاعة.

-دكتور هشام: "شكرا يا فادي.

دلوقتي وقتنا ضيق فامش هينفع كلكوا تعملوا بريزنتيشن النهاردة

عشان كده قررت اخلي احسن بروجيكتس اتعملت هي اللي هتعمل البريزنتيشنز

النهاردة، وبكرا هنكمل الباقي."

نري دكتور هشام وهو يرفع ورقة لعينيه.

-هشام: "ياسمين انس."

تنظر كل من ياسمين ويارا لبعضهم البعض، ونري نظرة ياسمين الخائفة.

تقف ياسمين وتتجه ناحية القاعة حيث يقف الدكتور.

-هشام: "بروجيكت ياسمين متميز وفعلا متعوب فيه

ومليان دراسات وابحاث، عشان كده حابب بجد اشكرها  
و احبيها، كمان حابب انكم تعرفوا اكثر عن السيرش بتاعها  
وتوصلكم هي عملت ايه.  
اتفضلي يا ياسمين."

يغلق دكتور هشام الانوار، ويفتح البروجيكتور.

وتأتي ياسمين نازلة من المدرج، لتقف امام البروجيكتور والجميع يحدق بها.

-ياسمين: "اه. طيب.

ببساطة."

تشعر ياسمين بضربات قلبها، وتنظر ناحية المدرج الملىء بالطلبة.

-ياسمين: "الموضوع بيتكلم عن.."

تشعر باختناق، لا تستطيع التنفس.

-ياسمين، بصوت مهزوز بوضوح: "قصدي ااه."

تشعر انها تتعرق.

-قطع-

مشهد 7

نهار اداخلي-كوريدور الجامعة

تخرج ياسمين مع يارا من قاعة المحاضرات من خلال الباب.

-ياسمين: "حرفيا

This was a disaster

اسوء بريزنتيشن ممكن اي حد

"يعملوا في حياته المهنية وغير المهنية."

-يارا:

Don't be hard on yourself."

-ياسمين: "مش عارفة ليه كل

حاجة

Labialized

انا مش هارد ولا حاجة، انا بقول اللي حصل

ومش زعلانة من الليبلز

علي اد ما زعلانة من اللي حصل.

بكره البريزنتيشنز، لاني بجد مبعرفش اعمله."

-يارا: "علي الاقل كنت احسن بروجيكت."

-ياسمين: "مهني ديه المشكلة. الدكتور كان بيمدح فيا

وبعدين قلبت بطة بلدي قدام كل الناس"

-يارا: "عادي يا ياسمين...."

ولكن لا تستمع ياسمين الي كلمة.

-نستمع لأغنية رومانسية في الخلفية-

وبينما تتكلم يارا بالخلفية، تري ياسمين رجل قادم ناحيتها، ويتوقف كل الوقت.

نري رجل وسيم، شعره اسود يدب فيه البياض، طويل، لكن لا شئ كان يضاهي عينيه بالنسبة لياسمين.

يلحظها الرجل، وتتلاقى اعينهما متجمدين ويتوقفان عن المشي لثوان، يحقق كل منهما في الاخر. تبعد

ياسمين عينها بحركة سرعة عن الرجل.

وفجأة، يرجع الزمن لما كان عليه.

ويتجه تركيز ياسمين مجددا ناحية يارا، التي كانت غارقة في الكلام.

-ياسمين: "كنت بتقولي ايه"

-قطع-

مشهد 8

نهار\خارجي-الجامعة (ملعب الباسكت)

نري شاب ماهر يلعب ويتخطي الدفاع ليحرز باسكت.

ونري الفريق الاخر، منهم ياسمين يركزون انفسهم بعدما احرز الشاب هدفا.

-ياسمين: "كده 14\14. الباسكت الجاي جيم."

نري شاب من خلفها علي اليسار، رشاد يوجه ياسمين.

-رشاد: "اثبتي مكانك، علي فكرة لو كنت ثابتة مكانك ومتحركتيش مكنش جاب بوينت."

ولكن بينما يتكلم، يتعداه المهاجم ويتجه ناحية ناحية السلة، وتتجه ياسمين ناحيته لتتجح في ان تأخذ منه الكرة، ثم تجري بدورها وتتجه ناحية السلة لتحرز هدفا.

نري يارا وهي تمشي في الملعب وتقف خلف السلة.

-يارا: "ياسمين"

ولكن لا تسمع ياسمين، وترمي الكرة ناحية السلة تحرز باسكت بنجاح من خط الثلاثية.

-أحمد: "جامد. عاش يا ياسمين. كسبنا."

-ياسمين، مبتسمة: "ميرسي."

-احمد: "هو انت بتلعب احترافي مع نادي."

-ياسمين: "لا للاسف. بس بفكر اقدم."

-احمد: "بجد اه. لازم تقدمي في فريق."

-يارا، منادية: "علينا ليكتشر، يلا يا ياسمين."

-ياسمين، للشباب: "لازم امشي يا شباب، علما ليكتشر. باي."

يرد الجميع: "باي."

-قطع-

## مشهد 9

### ليل\داخلي-البيت\صاله الاستقبال

نري ياسمين وهي تدخل البيت بحقيبتها ويبدووا عليها الارهاق. تري اباها وامها يجلسون علي الكنبه ويشاهدون علي التلفاز برنامج ليلي. ونري اباها، رامي، يدخن سجائر.  
تدخل ياسمين حجرتها.

-رامي، بنبرة صوت عادية لكن مرتفعة: "انت يا بت. تعالي هنا."

نري وجه ياسمين، وهي تغلق عينيها في الضيق، تتنفس وترجع لتواجه اباها.

-رامي: "الناس بتدخل تقول سلام عليكم، انت بقي داخلة لا سلام ولا كلام

اشباح احنا بقي."

تهز ياسمين كتفيها.

-ياسمين: "مش شايفة فين المشكلة، معملتش مصيبة عادي."

-رامي، بصوت عالي: "ما هي ديه المصيبة، انك مش شايفة اللي بتعمليه."

ادخلي يلا. انت اصلا الكلام معاكي مضيعة وقت."

تنتظر ياسمين لأبائها وتكثيرة قبيحة تعلق وجهها. ثم تدخل الغرفة.

-قطع-

مشهد 10

ليل اداخلي-غرفة النوم

نري ياسمين وهي ترقد علي السرير وتقرأ كتاب بيدها.

ثم نري امها، تمر امامها ومعها ملابس مغسولة حديثا.

تقف الام امامها.

-الام: "احم."

نري ياسمين ترفع رأسها لتنتظر لأمها.

-ياسمين: "عملت ايه."

-الام: "شوقتي، اول حاجة بتقوليهالي عملت ايه

دليل انك اصلا

مبتعمليش غير مصايب.

فينك؟ النهاردة مخرجتيش خالص من ساعة ما دخلتي البيت.

هتفضلي حابسة نفسك علي طول كده؟"

-ياسمين: "هو ليه مينفعش اعمل اللي

يريحني في سلام؟"

-الأم: "يا بت وحشتيني.

مش تيجي تقوليلي واحشتيني، عاملة ايه

اي حاجة كده."

-ياسمين: "ازيك، وحشتيني، عاملة ايه، اي حاجة كده، باي."

ترجع ياسمين للقراءة.

تمسك نهاد، ضاحكة، بالشبشب، وفي تلك اللحظة تنظر اليها ياسمين.

-ياسمين، بضحكة مرتفعة: "والله بهزر معاكي."

ولكن ترمي نهاد علي ياسمين شباشبها.

وتنفاداه ياسمين في اخر لحظة.

-ياسمين: "متفكريش انك هتخوفيني بسلاح الامهات ده و..."

يلبس شبشب في وجهها بينما تتكلم.

-ياسمين: "خلاص خلاص، والله بحبك."

تذهب، ضاحكة، ناحيتها لتحضنها.

-نهاد: "ايوة كده اتعدلي."

تحضنها نهاد اكثر.

-نهاد: "متز عيش من بابكي، هو بجد خايف عليكي

وحاسك مش عايشة معانا علي ارض الواقع."

تجلس ياسمين بمحاذتها.

-ياسمين: "وهي ديه الطريقة اللي

هتخليني اتغير. صح؟"

-نهاد: "ممکن طریقتہ ساعات غلط بس هو بیحبک."

-یاسمین: "اشک انوا بیحبني فعلا."

-نهاد: "ازاي تقولي حاجة زي كده یاياسمین! انت فرحتنا الاولي."

-یاسمین: "كل حاجة بعملها بتبقي غلط."

-نهاد: "مش كل حاجة، بس احنا لازم نجتهد عشان نبقي احسن

ونغير الجزء اللي

وحش فينا."

-نهاد، مکملة: "یاسمین. احنا بشر،

انت اکید عندک جزء کویس وجزء سئ،

حتي لو مش شایفة ده، وانا شایفة انوا عندوا حق

الانعزالية اللي انت عایشاها ديه هتأذیکي

النهاردة او بکرا."

تهز یاسمین رأسها هزة سريعة، كأنها تريد الانتهاء من المحادثة.

-ياسمين: "ماشي يا ماما."

نهاد: "ماشي يا ماما، بتاخديني علي قد عقلي؟

طيب يا ستي، هعديها لك المرادي.

تعالى بقي قومي هزي نفسك كده

وساعديني بدل مانت قاعدة كده."

-ياسمين: "يا ماما انا لسه جاية من الجامعة

حرام عليكى."

-الام: "ايه يعني راجعة من الجامعة.

وانا في سنك كنت مخلفاكي وبدرس.

"

-ياسمين: "خلاص يا ماما.

انا اسفة، مش هتكلم. عايزة ايه؟"

-الام: "خدي مني الهدوم انشوريها. يلا.

قرأتى الكتاب اللي اديتهولك؟"

-ياسمين: "السه لأ."

-نهاده، بابتسامه: "عبطة".

-قطع-

مشهد 11

نهاده داخلي-كافيه امام الجامعة

نري ياسمين وهي تجلس بينما تشرب القهوة وتقرأ في كتاب في كافيه مزدحم لآخره.  
ثم ترفع نظرها قليلا امامها، لتتجمد ويتجمد وجهها معها.  
انه هو، نفس الرجل الذي رآته بالجامعة ذي الشعر الاسود.  
تتلاقى اعينهما، ثم نراه يتجه نحو ياسمين، لتشعر ياسمين بالدهشة مختلطة بالرعب.  
تلقت ياسمين يمينا ويسارا لتتأكد انه قادم نحوها.

-مالك: "هاي. حد قاعد علي الكرسي ده؟"

يشير مالك الي الكرسي قابلتها.

تهز ياسمين رأسها بالسلب، وهي تنفادي لقاء عينيه.

يجلس مالك.

بعد برهة، يشير الي الكتاب الذي تمسكه ياسمين بعنوان

Why nations fail .

-مالك: "محتاجة تقرأي كتاب عشان تعرفي

"?ليه البلاد بتفشل

-ياسمين: "لأ طبعا. مكتاب تاريخ 6 ابتدائي قالنا

انتشار الجهل وضعف الحكام، عايزين ايه اكثر من كده. "

يضحك كل من ياسمين ومالك.

-مالك: "معروفة."

-ياسمين: "من كلامك افهم ان انت ملكش في القراية."

-مالك: "عشان القراية مش بتعلم، اللي

بيعلم بجد التجارب. غير انها مملة."

-ياسمين: "هدف القراية فعلا مش انك تتعلم."

ينظر لها مالك والاستغراب علي وجهه.

-مالك: "امال ليه بتقراي؟"

-ياسمين: "ليه مدمن مدمن؟"

-مالك: "مش عارف."

-ياسمين: "اي مدمن عايز يطلع

كيميا معينة من المخ تخليه سعيد."

-مالك: "وده ايه علاقته بالقراية؟"

-ياسمين: "القراية مش هدفها انها تضيف معلومات زي ما قولت

القراية بتعلي نشاط الدماغ، بتوسع المدارك،

بتعمل

Cognitive activity

يعني من الاخر بتلعب في المخ."

بيتسم مالك.

-مالك: "بس ممكن تقرأ أي كل الكتب اللي في الدنيا ديه وتبقي غبية بردوا.."

-ياسمين: "اكيد. ديه بتفرق من شخص للتاني، زي ما فيه

ناس كبيرة دماغها صغيرة وناس صغيرة دماغها كبيرة.

بس علي الاقل وانا بقرأ في

الكوفي شوب هكون بحتسي القهوة مش بشربها."

تمسك ياسمين بالقهوة وتشرب منها رشفة.

يضحك مالك.

-صوت من الخلف: "يلا يا مالك. جبت القهوة."

نري صديق مالك، وهو يحمل كوبين من القهوة، متجه نحوه.

-قطع-

مشهد 12

نهار\خارجي-الجامعة (فود كورت)

نري ياسمين تجلس ويدها كتاب مفتوح بينما تشرب كوبا من القهوة ولكن لا تقرأ في الكتاب حقا، بل تنتظر في الفراغ امامها، وتبتسم قليلا ببطء، بينما تفكر فيه.

-صوت في الخلفية: "ياسمين؟ ياسمين؟"

-الصوت، اعلي:

ياسمين!"

تنتفض ياسمين، مخضوضة، وتنظر حولها، لتجد يارا امامها.

تجلس يارا بقبالتها.

-يارا، بينما تضحك: "هو انت ازاي عايشة في الملكوت كده."

تغلق ياسمين الكتاب، وتنظر ليارا.

-ياسمين: "عشان انا

عندي

Trust issues

من العالم فبحاول اهرب منوا"

يارا: "

Why are you so complicated?

لسه بردوا معملتيش الاسيمنت؟"

-ياسمين: "لا."

-يارا: "انت كده مش هتلقني تسلميه."

-ياسمين، بسخرية: "ده عشان الاسيمنت ده مهم جدا جدا،

لازم يتعمل عشان هيترمي في الزبالة

او يبقي ورق طعمية

وكله عشان ناخد ورقة تثبت اننا اتخرجنا

واللي محدش هيسألنا عنها اساس

وينتهي بيها الحال في نفس ورقة الطعمية

بس عشان احنا في

AUC

هتبقى في ورقة بطاطا."

-يارا: "انت لازم تتفلسفيلي؟ اخلصي وخلصيه و

عايزين نتخرج من الجامعة بسلام."

-ياسمين، ضاحكة: "انت بالذات متتكلميش يا

دحيحة، انت الاولي علي الدفعة."

-يارا: "اوك، انا هتخرج في سلام، انت بالشكل ده

اشك."

-ياسمين: "الاسيمنت مش هياخد مني

ساعتين زمن

Don't worry."

-يارا: "بس ديه طالبة 2000

word،

غير ال5

Sources

بتاع ال

Research

".

-ياسمين، بملل: "عندي كام كتاب قريتهم من زمان هيعملوا

sources

حلوة

وبعدين بجد مفيش اي حاجة مستاهلة

عشان تحرقني نفسك.

اخرها متر في متر." "

- يارا: "

ومع ذلك

Its nice

لما تجيبي

High GPA."

-قطع-

مشهد 14

نهار اداخلي-غرفة المحاضرة

نري كل من يارا وياسمين تجلسان بينما تتكلمان وتضحكان، بينما تنتظران الدكتور ليدخل.

-صوت: "بصي لايسة ايه، هه."

تلقت ياسمين ناحية الصوت، لتجد فتاة تنظر اليها بينما تضحك.

-ياسمين: "في حاجة؟"

-جنا، بنيرة احتقار: "انا كلمتك."

تضحك ياسمين بينما تنظر اليها.

نري ان نصف الاشخاص بالغرفة بدأوا يلحظوا المشادة بين جنا وياسمين.

-جنا: "بتضحكي علي ايه يا

Wierdo"

-ياسمين، بخفة وابتسامة: "بلاش عشان هتزعلي.."

-جنا، لصديقتها: "مش بقولك

Wierdo"

تلقت اليها ياسمين، وابتسامة بسيطة علي وجهها.

جميع من في الغرفة الان يتابعوا ما يحدث.

-ياسمين: " ايوه، انا فعلا

Wierdo

ومعترفة بده ومتصالحة مع حقيقتي، وشايفة ان ده احسن

بكتير اني اكون شخص متنمر وحقود وسطحي.

ياتري انت متصالحة مع نفسك؟ متصالحة انك

انك جبانة مش قادرة تقولي

الكلمتين في وشي؟

متصالحة انك شخص متنمر وسطحي؟

متصالحة انك حد حقود"

-جنا، باحتقار: "انت فاكرة نفسك مين؟"

تقف ياسمين بمحاذتها.

-ياسمين: "انت اللي فاكرة نفسك مين عشان

تتريقي وتتنمري علي الناس؟

انت يا بنتي

Nobody with a  
Low self esteem

محدث حتي ببطبق وجوده او انوا يبقي في

Relationship

معاه لاكثر من كام شهر

واقصي انجاز ليكي

انك صاحبتني لعيب كرة فلاح زيك

".

صديقة جنا، هامسة: "ازاي عرفت انك كنت مصابا..."

-جنا، بسرعة وهمس: "هشش.."

تسكتها جنا.

-جنا، بضحكة فيك: "انت بتهبدي تقولي ايه."

-ياسمين، بابتسامة: "وبصراحة

عندك حق يبقي عندك

Low self esteem.

صاحبتني ثلاث ولاد في شهر واحد

ومفيش ولا واحد فيهم قدر يكمل معاكي.

للدراجادي انتي لا تطاقي."

-جنا، بصدمة وعنف: "انت فاكرة نفسك مين عشان

تتكلمي عني بالشكل ده. انت فكراني زيك ولا ايه؟"

-ياسمين: "انا مكنش في رقبتي سلسلة عليها

I love you

قعدت لابسها اسبوع متواصل.

واضح انك كنت واقعة جامد فمقلعتيهاش خالص الفترة ديه.

المحاضرة ديه انت مش بت

Text

علي الموبيل

بس الاسبوع اللي فات

كذا دكتور طردك من المحاضرة بسبب الموبيل،

ولاحظت ان النمط ده بيتكرر كل كام اسبوع وبعدها

وبعدها بلاقيكي حطه الموبيل في شنطتك

ومش حاطة الميك اب

غير ان انت لما بتكوني طول الوقت مسكاه بسمع صوت ال

Text notification

بس بعدها بفترة محدش بيعبرك.."

-جنا، بعصبية: "انت كدابة ومحدش عرف يريكي."

-ياسمين: "ايوة، انا كدابة. عشان كده لما قولت كده

تنفسك زاد و

Your eye pupil

كبير لنص حجمه،

ووشك احمر."

-جنا، بعدائية: "انت

Wierdo

وكلامك كله هجص

ومش عارفة ازاي حد ممكن يطيقك.

انت بتعملي اسقاط للحاجات اللي عندك ناحيتي."

-ياسمين، بابتسامه: " اسقاط. كلام كبير علي الزيتونه اللي في دماغك.

.

بس يا خساره، معظم الوقت زيتونه زي ديه معندهاش القدره انها تفكر غير في اللبس

والميك اب والولاد."

وبينما كانت تهب جنا للرد بعصبية، وتتجه ناحيتها لضربها وملامحها قد اصابها القبح من العبوس، يدخل احد الاشخاص غرفة المحاضرة.

-المشرف، الذي قد دخل لتوه: "شباب الليكتشر اتلغت

دكتور هشام مجاش النهارده. "

-قطع-

مشهد 15

نهار اداخلي-كوفي شوب

نري ياسمين وهي تجلس في مكانها المعتاد، بينما تشرب قهوتها وتقرأ كتابها لوحدها.

نري ان هناك كدمة كبيرة علي ساعدها.

-صوت رجل: "هاي تاني."

ترفع ياسمين نظرها لتراه مجددا، الرجل فارح الطول الذي جلس معها في المرة الاخيرة.

لا اراديا، تبصق ياسمين قهوتها التي كانت تأخذ منها رشفة، ويخرج سائل من انفها. وتبدأ بالسعال.

-مالك، بقلق: "انت كويسة؟"

-ياسمين، بينما تأخذ منديلا تغطي به فمها وانفها: "انا كويسة."

تلتفت له ياسمين، وتبتسم له.

-مالك: "انت بتيجي هنا دايمًا؟"

-ياسمين: "يعني، بحب اجي هنا دايمًا لوحدي."

يشير مالك للكرسي.

-مالك: "ممكّن اقعد؟"

-ياسمين: "اكيد افضل. انا ياسمين بالمناسبة."

يبتسم مالك.

-مالك: "هاي ياسمين. انا مالك."

تقع عيني مالك علي الكدمة.

-مالك، مشيرا للكدمة: "شكلها بتوجع."

-ياسمين، بمرح: "عادي. اتعودت."

-مالك، بجدية: "هو في حد بيضربك؟"

-ياسمين: "لا لا، محدش يقدر كده كده."

يضحك مالك.

-مالك: "امال، ايه اللي حصل."

-ياسمين: "يعني،"

Conversation

انتهت نهاية مش سعيدة اوي، اتزقبت

فدراعي اتخبط في سن الكرسي."

-مالك: "وانت كل ال

Conversation

ده بيحصل."

-ياسمين: "يعني، واحدة من ال

Side effects

لل

Conversations

معايا."

-قطع-

مشهد 16

نهار\خاجي-الجامعة (البوابات)

نري كل من ياسمين ويارا يمشون ناحية احد البوابات.  
يارا تتكلم بينما ياسمين يبدوا انها تفكر بشئ بعمق حتي انها لا يبدوا عليها انها في الواقع، محدقة في الفراغ.

-يارا: "بس يا دوب هاخذ اوبر واروح عيد ميلاد صاحبتني."

ولكن يبدوا ان ياسمين لا تستمع لكلمة تقال.

يارا: "مالك يا ياسمين.؟"

-ياسمين، التي كأنها استيقظت عندما سمعت اسمها: "مفيش يا بنتي، انا حنة واحدة اهو."

-يارا: "ساكنة بقالك كثير. احنا عدينا من جنب ال

Book festival

مرتين ومبصتيش بصة واحدة ناحيته؟"

-ياسمين، ضاحكة: "انت بتشتكي؟"

ولكن عندما تعبران بجانب كشك كتب امام بوابة الجامعة، تبدأ ياسمين بالنظر اليها كأنها خاضعة لتنويم مغناطيسي، وتوقفت فجأة، ولكن تجذبها يارا.

-يارا، بينما تجذبها بعيدا: " افتكري ان انت مفلسة وعندك كتب كثير لسه منقرتش.

"

يصل الاوبر.

-يارا: "هتعملي الاسيمنت النهاردة طبعاً، صح؟"

-ياسمين: "اكيد لأ."

-يارا: "التسليم النهاردة! هتعملي ايه؟"

نري رجل يركب سيارة ينظر حوله.

-الايوبر: "حضرتك اللي طالبة اوبر صح؟"

-قطع-

مشهد 17

نهار\خارجي-ملعب الباسكت

ها هو ذا فتى ذي طول فارغ يراوغ مدافعه، ويلف بمهارة ويلقي الكرة لياسمين، التي ما تلبث ان تلمسها حتي تتجه ناحية السلة بحركة (السلم) وتحرز هدف. ونسمع الجميع وهم يصقفون لها وهممة شخص ما.

"عاش."

ونري الفتى راشد واقف وراء ياسمين، وتكشيرة قبيحة علي وجهه، ينظر ناحية ياسمين، بملابسها

tomboy

جينز واسع وتيشرت اسود بايزك، شعرها كالعادة مرفوع بتسريحة ذيل حصان، ونري القليل من التراب علي التي شيرت الاسود بسبب اللعب، ووجهها يغزوه الحمرة علي بشرتها البيضاء من حر الشمس واللعب لساعة متواصلة.

تتحرك ياسمين ناحية الأربع شباب.

مصطفى: "ها. نلعب راوند ثانية."

-خالد: "انا مضطر امشي يا شباب عندي محاضرة دلوقتي."

-ياسمين: "هي الساعة كام؟"

-أحمد، بينما ينظر بالساعة التي برسغه: "الساعة ثلاثة."

-ياسمين: "بقالنا ساعة! طيب انا لازم امشي."

تشير ياسمين للشباب وتتمتم ب"باي" بينما تمسك حقيبة ظهرها، وتتجه نحو المكتبة، ومن خلفها الفتى راشد يبتسم بينما يهمس لفتي اخر ويشير ناحية ياسمين.

-قطع-

مشهد 18

نهار داخلي-المكتبة

نري ياسمين تجلس في ركن بعيد وهادئ بالمكتبة، وتفتح اللابتوب مهترئ اكبر من حجم الايد بقليل، وتفتح صفحة بيضاء ب

Wordpad.

تنظر ياسمين الي الخط الذي يختفي ويظهر لدقيقة، ثم فجأة، تكتب بسرعة كبيرة، كأنها دخلت بعالم اخر، ونراها وهي تفتح تابس كثيرة، وتقرأ مقالات علمية وغير علمية، وتكتب مجددا، نري الناس بالمكتبة تأتي وتذهب، بينما ماتزال بمكانها، كأن الوقت لا وجود له ونري ان الساعة قد اصبحت 7 مساء، وهي وحدها تماما بالمكتبة، ونري ان ياسمين قد كتبت، الكثير، حوالي 3000 كلمة او ما يعادل 6 صفحات. هكذا، نراها تضغط علي زر

Submit

ياسمين لتسليم الاسيمنت اونلاين، وهي راضية تماما عن عملها.

-قطع-

مشهد 19

ليل\داخلي-الباص

نري ياسمين وهي تقرأ كتاب جالسة وحدها، بينما الجميع حولها يتكلم، كأنها بعالم اخر. ثم تستمع لضحكة عالية قادمة من فتاة، مما جعلها تزيح عينيها من الكتاب وتلتفت للفتاة، لتراها امامها من الجانب الاخر من الباص، تجلس هي وقتي، يبدوا كحبيبيها، يضحكان معا.

ونري ان جميع من بالباص يلتفتون لهما، تنتظر ياسمين ناحيتهم قليلا للحظات، متأملة، ولكن ما تلبث ان تكمل قراءة.

-قطع-

مشهد 20

نهار\خارجي-فود كورت

تجلس كل من يارا وياسمين يتناولان الفطور.

ونري ثلاث كابلز يجلسون حول ياسمين في طاولات متفرقة.

-ياسمين: "هما الكابلز فجأة زادوا ولا انا متهيألي؟"

تنتظر يارا ناحيتها وعلي وجهها علامة استفهام.

-ياسمين: " احكي لي، عملتي ايه في العيد ميلاد؟"

-يارا: "كان لطيف، قعدت معاهم شوية صاحبتني عجبته الهدية جدا."

نري ياسمين شاردة الذهن، وتحرك رأسها بالايجاب بدون ادراك ما تفعله.

-ياسمين: "

Nice."

بس كده كده هتقولك كده حتي لو معجبتهاش."

-يارا: " مينفعش ابدا مرة متوقعيش الاسوء في

الناس."

-ياسمين: "مينفعش لأن ديه الحقيقة.. الناس وحشين بيمثلوا انهم

كويسين."

-يارا: "انت عارفة انك بردوا من الناس."

-ياسمين، بهزة كتف: "انا مبستناش نفسي.

الناس بتمشي بغرائزها ورغبتها

الناس بطبيعتهم بتمشي

بمبدأ العقاب والمكافأة

".

-يارا: "بس الناس ممكن تعمل حاجات توجعهم مثلا يعملوا عملية وياخدوا ادوية وحقن عشان

يخفوا."

-ياسمين: "الناس بردوا بتدخن وبتاكل بشراهرة حتي لو هيضرهم

وبتكذب وبتسرق حتي لو عارفين انهم هيتمسكوا."

-يارا: " و مبيسلموش الاسيمنس حتي لو

هيوقلهم ال

GPA."

-ياسمين: "انا خلصت وسلمت ال

Assogment."

-يارا، والمفاجأة تعلقو وجهها: "الحقتي!"

-ياسميت، بابتسامة متكلفة: "قولتك الموضوع بسيط.

بس انا عاملة

Word count

اكثر من المطلوب، تفكري هنتقصني درجات؟"

-يارا: " معرفش، انا اسمع ان لو عاملة اكثر ب300 كلمة فلا عادي."

-ياسمين: "عاملة اكثر بالف كلمة."

-يارا: "1000!"

مش عارفة. ممكن."

ترتشف من قهوتها.

-ياسمين، بدون اكتر اثار: "ديه حيزبورنة وهنتقصني وتوقعلي ال

Gpa

انا عارفة."

-قطع-

مشهد 21

نهار\خارجي-ملعب الباسكت بالجامعة

نري خمس فتيان وفتاة، ياسمين، يلعبون ضد بعضهم البعض.

-شهاب: "ياصي للبنت!"

لا يكثر رشاد لما قاله شهاب، بل يدخل ناحية السلة، محاولا احراز هدف، ولكن يصده المدافع، وقبل ان يمسك المدافع الكرة، تأخذ ياسمين منه الكرة، وتقفز ناحية السلة لتحرز هدفا.

"عاش"

يهمهم جميع الفتيان، حتي المدافع، كلهم في ماعدا رشاد الذي لم يستطع احراز الهدف، الذي يبدوا متضايقا.

نري ياسمين تصافح الجميع، بخدودها المتوردة وشفثاها الحمروايتين المنفوختين وملابسها الرثة.

تنظر ياسمين الي ساعتها.

-ياسمين: "عليا ليكثر دلوقتي. لازم امشي. باي يا شباب."

يهمهم الجميع: "باي.."

-قطع-

مشهد 22

نهار\داخلي-قاعة المحضرات

نري ياسمين وهي تدخل، لتتجمد بمكانها. تري الرجل، انه هو، نفس الرجل الوسيم ذي الشعر الاسود الذي يكسوه بياض قبل الاوان، ومجددا، تتلاقي اعينهما، وتشعر بحرارة خدها، ونري مالك وملاح المفاجأة تعلق وجهه، ويحدق بياسمين بقوة ببحظات. ولكن في خلال ثوان ، وتبعد نظرها عنه بهزة رأس اقوي من اللازم، وتجلس بكرسي بعيد، بجلسة مستقيمة زيادة عن اللزوم.

-المحاضر: "انا مالك رؤوف، هديلكم نظام الاقتصاد المصري."

-مالك، متفاديا الاتصال البصري بياسمين: "مادتي واحدة من اصعب المواد اللي هتخدوها في الكلية،

وال

Course work

بتاعها ب30 درجة

لاني شايف ان اكثر حاجة بتعلم هي التطبيق العملي."

ينظر الجميع اليه وعلي ملامحهم التركيز والجدية.

-مالك: "عشان كده عايزك كل واحد فيكم يكتبلي

Paper

يشرحلي فيها اسباب التضخم في الاقتصاد المصري والعلاج ليه.

دلوقتي، يلا."

-احد الطلبة: "بس احنا لسه مأخذناش اي حاجة يا دكتور."

-دكتور مالك: "انا عايز اشوف كل واحد معلوماته عاملة ازاى."

يلتقي اعين كل من مالك وياسمين، ولكن يبعد نظره عنها سريعا جدا بمجرد رؤيته انها تنتظر اليه، وتبعد ياسمين نظرها عنه هي الاخرة بنفس الوقت.

مالك: "تقدروا تبدأوا دلوقتي."

تبدأ ياسمين بالكتابة، كباقي الطلاب، تنتظر الي كل شئ حولها، الا ناحية مالك رؤوف اللهم نظرات مسروقة ناحية مالك، لتري انه يتكلم مع فتاة اخري يناقشان ما كتبتة، ويسرق هو الاخر نظرات ناحية ياسمين، يهز رأسه هزة قصيرة ثم تعود الفتاة لمكانها مجددا، بينما يرجع هو الي هاتفه يتصفحه.

تنتظر الي الساعة المعلقة علي الحائط، ثم تنتظر اليه، هادئ وغير مكترث. تهز رجلها، تفعل ذلك عندما تكون متوترة. ثم تأخذ نفس عميق وتقف متجهة نحو مالك.

-ياسمين، بتردد: "هاي"

-مالك، بدون ان ينظر اليها بينما يتصفح هاتفه:

"لو ال"

Conclusion

بتاعك اننا نزود الفايدة

حطي الورقة علي المكتب وسيبيها."

-ياسمين: "ده مش ال"

Conclusion"

يرفع مالك عينيه من الهاتف، ليري ياسمين.

يتيقظ مالك بالكامل.

-مالك: "لو قرأتي ال"

Text book

هتعرفي ان ده الحل."

-ياسمين: "الأ. ده مش الحل. والدليل انوا مش ناجح"

-مالك: "يبقي ال"

Paper

بتاعتك غلط.

عمتا

Thank you for the effort

حطي الورقة.

"

ويرجع نظره الي الموبيل.

-ياسمين، بتصميم: "بس انا مش غلط بردوا."

يرفع مالك نظره ناحية ياسمين.

-مالك، بسخرية: "مهو يا اما انت الللي غلط، ياما

البنك المركزي هو الللي غلط."

-ياسمين: " البنك المركزي مش قراءن."

يعتدل مالك بجاسته.

-مالك: "طيب. اتفضلي اشرحيلي وجهة نظرك."

-ياسمين: "

رفع اسعار الفائدة هو حل للتضخم النقدي.

الخبير الاقتصادي دكتور جودة بيقول ان

احنا في مصر عندنا كمان التضخم الهيكللي الللي

سببه الرئيسي اننا بنستورد معظم احتياجاتنا حتي

في صناعتنا المحلية. وان الحل الحقيقي انك تزود معدل الاحتياط في

البنوك بالعملة الصعبة. من الاخر الحل انك تبطئ من النشاط الاقتصادي  
من جدره بانك تصعب عملية الاقراض. ورفع سعر الفائدة حل سطحي مش جدري."

ينظر كل منهما للاخر لبرهة.

-مالك: "تمام. هاتي الورقة وتقدري تقدي."-

نري الجميع يتجه ناحية مالك، ويضع اوراق الجميع بلا اكرات فوق بعض بينما يمسك ورقة ياسمين بين  
يديه ويقراها.  
تراه ياسمين، وتبتسم.

-قطع-

مشهد 23

نهار داخلي

تتصل ياسمين هلي يارا.

-ياسمين: "فينك، خلصتي اللكتشر؟ عمنا انا قعدة في الفود كورت. ماشي مستنياكي."

تمسك ياسمين الكتاب بيدها، ولكنها لا تفتحه، تشاردة.

تنظر ياسمين، وتري يارا من بعيد، ومعها تلك الفتاة التي لا تعرفها الا شكلا، فقد كانت تتواجد دائما بنادي  
الامم المتحدة.

MUN

-ياسمين: "الليكتشر طولت ولا ايه."

-يارا: "اه شوية، كنا بنعمل تاسك مع بعض."

تنظر يارا الي التعبير الجامد علي وجه ياسمين.

يارا: "

"Yassmin, you look pale."-

-ياسمين، ناظرة ليارا: "

Iam fine."

تلقت ياسمين الي الفتاة بجوار يارا.

-اية: هاي ياسمين. مش انت اللي معايا في ال

MUN"

-ياسمين، متفاجأة انها تعرف اسمها: "هاي. عاملة ايه. ايوه انا فعلا في

MUN"

-اية: "انا اية."

-ياسمين: "هاي اية."

-يارا: "يلا بينا ناكل حاجة."

-ياسمين، والتي تنفقد جيوبها خفية لتري ان ما فيه هة 5 جنيهات: "انا مش جعانة، انتوا كلوا."

-قطع-

نهار\داخلي-كوريدور الجامعة  
نري اية ويارا وياسمين يمشون بالكوريدور.  
تلتفت يارا لأية.

-يارا: "لسه بتكتبي في روايتك يا اية؟"

-اية: "ايوة، بصراحة

حاسة ب

Writer block

حاليا."

-ياسمين: "واو. ليكي في الكتابة."

-اية: "ايوة. الكتابة هي شغفي. وانت؟"

-ياسمين: "معنديش شغف.

او علي الاقل ميعترفش بحاجة اسمها شغف."

-اية: "الكتابة بردوا

حاجة صعبة جدا. مش اي حد يعرف يكتب."

تهز ياسمين رأسها بشرود.

اية: "بس مبروك انك بقيتي الليدر بتاع ال

Club."

-ياسمين، بذهن شارذ تهز كنفهها: "انا رفضت لاني مش عايذة."

-اية، والمفاجأة تعلقو وجهها: "مش عايذة تبقي ليدر؟ بس في ناس كل سنة بتتخايق عشان

تبقي الليدر لل

MUN club"

وبعدين كل الجامعة بتقدم في ال

MUN

عشان ده احسن

CLUB

في الجامعة كلها."

-ياسمين: "ال

Club

اصلا عبارة عن شوية ناس يدوب لسه

معددين سن الاندر ايدج بيتجمعوا مع بعض

ويلبسوا فورمال ويتصوروا عشان بيانوا مهمين

ويوهمه نفسهم انهم بيعملوا حاجة مهمة

بس هما في الحقيقة بيلعبوا لعبة مع بعض زي الاطفال."

-اية: "طب وانت ليه قدمتي في ال

MUN"

-ياسمين: "عشان السبي في بعيد عنك. كنت فاكرة ان ال

Clubs

هتضيع وقتي، بس بعد اما دخلت، اتأكدت من ده."

نري اية، والعبوس يعلو وجهها.

-قطع-

مشهد 25

ليل اداخلي-الجامعة (غرفة محاضرات-تجمع)

نري البورد الابيض مكتوب عليه

Welcome MUN members

ونري ياسمين، ومن خلفها اية وشاب يتكلمان.

نري الليدر، احمد، امام السبورة.

-احمد: "عايزين نتكلم عن حقوق الاقليات، اقلية دينية

واقليات عرقية، وال

Sexual orientations

زي ال

LGBTQ"

-ياسمين، بشكل مفاجأ، بينما ترسم شيئاً ما في ورقتها: "مفيش حاجة اسمها كده."

ينظر لها الجميع لثوان.

-أحمد: "مفيش حاجة اسمها اقلية؟"

-ياسمين: "مفيش حاجة اسمها ان ال

LGBTQ

تعتبر اقلية."

-احمد: "ليه بتقولي كده؟"

-ياسمين: "عشان انك تنام مع شخص معين مش بيعمل

Personal identification

ديه حاجة بينك وبين السرير."

يضحك قليل من الناس.

-احمد: "بس الناس ديه اقلية."

-اية، بدفاعية: "والكلام اللي انت بتقوليه ده اسمه

Homophobic"

-ياسمين: "دلوقتي حرية الرأي

او النقد او الاعتراض بقي اسمه هو موفوبيك، ياتري ايه تعريف الديكتاتورية؟

لو هنمشي بالمفهوم ده فمرضي السكر اقلية.

مرضي القلب اقلية.

المرضي النفسيين اقلية بردوا، ال

Serial killers

اقلية

نعملهم كوميونتي

ونفضل نقول

Serial killer

And proud

ونعملهم علم."

تتوقف قليلا عن الكلام، بينما يهضم من حولها الكلام الذي يقال.

-ياسمين، مكملة:

الناس اللي بينتموا للاقليات مختروش ده،

اما ال

LGBT

فدول بيعملوا فعل معين وغير تقليدي

واختاروا ده."

-الشباب الجالس بجانب ياسمين، راضي: "ومين قال انهم بيختاروا،

في ابحاث كتير بتقول ان الناس ديه بتتولد كده."

--ياسمين: "حلو اوي كلمة الابحاث ديه، كلمة عامة بس بتدي

Credibility.

ومع ذلك من يومين قرأت خبر بيقول ان راجل

Transwoman

دخل سجن السيدات في امريكا وسبب ان اتنين من السجينات تحمل.

بيقي منطقيا لو هو فعلا مش اختيار انوا بيقى كده وديه حاجة جينية،

ليه عمل حاجة المفروض انها مش في طبيعته؟"

توشوش ايه شيئا ما للشباب بجانبها.

-راضي: "واو، مكونتش اعرف ان ال

MUN club

بيقبلوا ناس هو موفوبيك."

-قطع-

مشهد 26

نهار\خارجي-الفود كورت

نري ياسمين ويارا تجلسان، يأكلان سندوتشات الفول ويشربان القهوة.

-ياسمين:

"بس يا ستي، راح راضي ده صاحب اية ده

خله الليدرز انهم يعمواو لل

MUN membership

بتاعتي

Suspension

عشان

Hate speech.

واية قدمت بريزنتيشن اد ايه انا

بنشر الطاقة السلبية في المكان

ومتشائمة دايمًا مش

غير كل حاجة وحشة.

حاسة نفسي دخلت فيسبوك مش

Political club."

-يارا: "طيب انت ايه اللي خلاكي تقولي اللي تقوليه."

-ياسمين: "مش مهم اصلا، انا كده كده كنت بروح عشان اخذ

## Certificate

عشان السي في بتاعي،

غير كده ال

Club was a waste of time and energy.”

يصمت كل منهما لثوان، بينما تأكلان الطعام، وتتصفح يارا هاتفها.

ثم نري يارا تضع الهاتف بوجه ياسمين لتريها الشاشة.

-يارا: "في دكتور في الكلية عامل انترنشيپ

في وزارة الخارجية، هيختار ثلاثة من الدفعة بتعتنا واللي قبلنا."

ترفع ياسمين رأسها.

-ياسمين: "مش كل الدكاترة فشلة معندهومش كارير. ياسلام."

-يارا: "بس الشروط انك لازم ال

GPA

بتاعك اعلي من 3 و

تسجلي اسمك عشان يمتحنوكي ولازم تجيبي اعلي

درجة بين كل الناس اللي هتمتحن. تفكري

مممكن ناخذ احنا الانترنشيپ ديه..."

ولكن لا تركز معها ياسمين، تركيزها كله في اسم ناشر الدكتور ناشر البوست، مالك رؤوف.

-قطع-

مشهد 26

ليل اداخلي-غرفة النوم

نري ياسمين وهي تقرأ بكتابها بغرفة النوم، ولكن لا تستطيع التركيز بكلمة تقرأها، فقد امضت نصف ساعة في قراءة سطر. تضع الكتاب بقوة بجانبها، وترقد علي ظهرها مفتحة العينين، لا تستطيع القراءة، ولا تستطيع النوم، معلقة.  
ثم، ولسبب ما، تشعر برغبة شديدة في الكتابة، لتأخذ الورق والقلم، وتبدأ بالكتابة، ولا تنام ياسمين تلك الليلة...

-قطع-

مشهد 27

نهار\داخلي-اورقة الجامعة

نري ياسمين وهي تمسك بهاتفها، تتصفح اكونت مالك رؤوف. وتري صورة بجانب سيارته الفارهة، وتجمع عائلي، يبدوا عليهم جميعا الارسطقراطية بملابسهم الانيقة وبيتهم الكبير والانيق.  
نري يارا بينما تجلس بمحازاة ياسمين وورائها اية التي ودعتها للتو.  
-يارا: "هيلو..."

شكلي هقضي وقتي اكثر مع ايه عشان انت مش بقيتي طول الوقت سرحانة.  
يلا عشان عندنا محاضرة انجليش."

-قطع-

مشهد 28

نهار\خارجي-الجامعة

نري ياسمين ويارا في طريقهم الي مبني بالجامعة، ويناقشان باستفاضة شيئا ما.  
-ياسمين، مفكرة: "عارفة، الدنيا ديه كلها بجد متستهلش اي حاجة، شوفي الطريق اللي احنا ماشين فيه ده؟ كان في ناس زينا في يوم من الايام بيمشوا فيه، ودلوقتي تحت التراب مش عارفين عنهم اي حاجة، واحنا، بكل احلامنا وامالنا وذكريتنا، هنبقي تحت التراب، وهيبقي فيه ناس بتمشي في الشارع ده وهيبقوا بردوا تحت التراب."

-يارا: "انت متشائمة اوي يا ياسمين."

تصمت ياسمين لثوان، ثم تنظر ليارا.

-ياسمين: "يارا، ممكن اصرك بحاجة، بس متفهمنيش غلط."

-يارا: "اكيد."

-ياسمين: "بحس ان اية مش بتحبني، من اول ما شوفتها وحسيت بكده، بالذات ان صاحبها هو الواد اللي اتخنقت معاه، والبت جنا ديه بردوا صحبتها."

-يارا: "بس صدقيني اية مش كده خالص، اية عاقلة جدا."

-تتم ياسمين: "يمكن."

نري مالك وهو يمر من جانبهما، ويتلاشي كل منهما النظر للاخر.

-يارا: "هاي دكتور."

-مالك، باقتضاب بينما يمشي: "صباح الخير"

يمشيان قليلا بصمت.

-ياسمين: "علي فكرة انا قدمت في امتحان وزارة الخارجية بتاع دكتور مالك."

-قطع-

مشهد 29

ليل اداخلي-كوفي شوب

نري ياسمين وهي تدخل الكوفي شوب، ونري مالك يجلس علي احد الطاولات.

تتجه ياسمين ناحية مالك، ليرها مالك وبيتسم.

-مالك: "ازيك. بقالك فترة مختفية."

-ياسمين، بينما تجلس: "كنت بتمرن عشان عندي اختارات بكرة."

-مالك: "بردوا ناوية تلعب احترافي؟"

-ياسمين، بابتسامة: "اقرب حاجة للبيت."

-مالك، بينما يقلب قهوته: "افتكرت انك ضد انك تحترفي رياضة."

-ياسمين: "في الشكل هي احترام بس بالنسبة لي هي استمتاع وحاجة

جنب دراستي. وبعدين ميضرش اني اخذ لقب الجمهورية

زي مانت عملت في السباحة."

-مالك: "او زي ما صاحبك هدي ما عملت."

يضكان، بينما يتشاركان نكتة سرية بينهما.

-قطع-

مشهد 30

نهار داخلي-ملعب كرة سلة

نري 30 بنتا، يقفون في خط متواز، ومنهم ياسمين. ويقف امامهم ما بيدوا عليه مدرب.

-المدرب احمد: "صباح الخير. اولا بالتوفيق ليكم كلكم في

اختبارات دخول فريق النادي.

لازم تعرفوا ان احنا بنختار الاحسن

والمنافسة كل سنة بتبقي صعبة، بس

خليها نصيحة ليكم، واعتبروا الصعوبة

مجرد تحدي ليكم عشان تطلعوا احسن حاجة جواكم.

النتيجة هتظهر بعد شهر من دلوقتي.

يلا دريبيل..."

-قطع-

مشهد 31

نهار اداخلي-غرفة الدكاترة (الاستاف روم)

نري كل من دكتور جيهان، هشام، جنا، ومالك. كل احد منهم له مكتب. نري هشام بينما يعمل بعمق في اللابتوب الخاص به، وجنا وجيهان يجلسان معا متقاربين يضحكان، بينما مالك شارد الذهن، يفتح ويقفل غطاء القلم."

-جنا: "الحمد لله ان النهاردة الخميس، مش هقدر استحمل ثانية

كمان في الجامعة."

-جيهان: "هتعملي ايه في الويك اند."

-جنا: "ممکن اروح المول، كنت عايزة اشتري شنيكرز عشان الجيم، وانت؟"

-جيهان: "مش عارفة لسه."

-مالك: "حد فيكم بيدي لياسمين وائل اللي في سنة تالته؟"

-جيهان: "عارفاها. ديه بت سمجة فاكرة نفسها عارفة كل حاجة."

-هشام، رافعا رأسه: "البننت شاطرة وذكية جدا

بس عندها مشكلة ومش عارفة تندمج مع الناس."

-جيهان: "متوحدة يعني. هه.

ده حتي دكتور مريم اللي مبتتكلمش بتقول عليها غريبة الاطوار."

-جنا: "سمعت انها عنيفة، بيقلوا كانت بتتنمر علي زميلتها ومدت ايديها عليها."

-هشام: "البننت اللي انت بتتكلمي عليها ديه

شالت مدتي مرتين منهم مرة سرقت فيها اسيمينت زميلة ليها.

بصراحة مش مصدق ان ياسمين هي اللي اتنمرت عليها

غالبا العكس اللي حصل. "

-جيهان: " مفيش حد بيحب البت ديه، لا دكاترة ولا طلبة،

مفيش غيرك انت

يا هشام."

-هشام، بابتسامة: "وواضح مالك كمان."

يحرك مالك رأسه سريعا بشكل لا ارادي بعيدا عن هاشك، ولكن يعالج ذلك سريعا ان يتظاهر بانه يسعل، وعندما يتكلم تخرج كلماته بهدوء وحياد.

-مالك: "اكيد لا. هي معملتش اي حاجة عشان احبها او اكرهها عليها."

-جيهان: "اكيد مالك مش

Vulgar or weird

عشان يبقي عنده اي مشاعر ناحيتها.

انا مش عارفة ازاي ممكن تفكر انوا يهتم اصلا بشخصية زي ديه."

-هشام، متجاهلا جيهان:

"انت بتسأل ليه يا مالك."

-مالك، بتردد في نبرة صوته: "هي من ال

Candidates

للتدريب معايا ومقدمة علي الامتحان. فبشوف بس لو هي

شاطرة في المواد الثانية وكده."

-هشام، بتشكك: "ممم."

-جيهان: "لو عايز حد يعرك وسط زمايلك في الشغل

فهي هتبقى احسن اختيار."

ولكن بينما نتكلم، نري هشام ينظر بعمق ناحية مالك، كأنه يعلم ان الامر اكثر من ذلك.

-هشام: "متختر هاش بناء علي رأي حد فينا. شوف انت

شايفها ازاي ولو اللي انت شايفه ده هيناسيك ولا لأ.

ممكن تكون مش اجتماعية ولكن هي حد مميز ومحترمة وهتبقى حاجة كبيرة."

-قطع-

مشهد 32

ليل اداخلي-غرفة النوم.

نري ياسمين تكتب علي ورق، وقد ملأت عشرات الاوراق حتي الان.

ثم تدخل عليها الام.

الام، بصوت مرتفع: "ياسمين؟"

تنظر لها ياسمين والمفاجأة تعلق وجهها.

-ياسمين: "حد يدخل كده، خضيتيني."

-الام: "بقالي 10 دقائق بناديكي. بتعملي ايه كل ده؟"

-ياسمين، ناظرة للورق: "مفيش بتسلي."

-الام: "كل ديه تسلية. انا

مشوفتكيش النهاردة طول اليوم

قولت اجيلك زيارة."

تضحك ياسمين.

-ياسمين، كأنها لا تسمعها: "ماما. انا قدمت علي

امتحان عشان تدريب، بس في 100

واحد كمان مقدمين عليه، ومش هيختاروا غير 3  
. تفنكري ممكن اكون من ضمن الناس اللي هيختاروهم؟ "  
تجلس الام بجانبها علي السرير، وتحيطها بذراعيها.  
-الام: "مش مهم لو اختاروكي او لا. المهم انك تحاولي انك تنجحيله.  
وواضح انها فرصة حلوة عشان فيه كل العدد ده مقدم."

-ياسمين: "بس انا ممكن بعد اما اقدم واذاكر جامد زي كل مرة بردوا متقبلش،  
عشان فيه حد معاه واسطة واتقرس فيها."

-الام: "بس ديه حاجة برة ارادتك، انت معنديش غير انك  
تقدمي وتذاكري وتشتغلي بالمتاح، والباقي سيبه علي ربنا."  
تقبلها امها، وقبل ان تغلق الباب تلتفت لياسمين.

-الام، بابتسامة: "حاجة اخيرة مهمة نسيت اقولهالك  
قومي اغسلي المواعين اللي في الحوض."

-قطع-

مشهد 33

نهار\خارجي-الجامعة (ملعب الباسكت).

نري ياسمين والشباب في الملعب.

-ياسمين، بينما تنظر للساعة بيدها: "اوف. انا كده هتأخر عن المحاضرة

لازم امشي دلوقتي."

-أحمد: "قشطة، هتيجي بكر؟"

-ياسمين: "غالبا اه. يلا باي يا شباب."

يتم الجميع بي(باي) لياسمين.

وتذهب ياسمين وتخرج من الملعب، ولكن عندما تخرج تتفقد جيوبها لتكتشف ان اموالها قد سقطت بينما تلعب.

تبحث ياسمين للتأكد في كل مكان بجيوبها وحقيبتها ولكن لا تجد اموالها.

تتأفف ياسمين وتقرر الرجوع، لتري لشباب يجلسون ببنش قريب من الملعب.

تقترب منهم من الخلف، ولكن تتجمد وتقف عندما تسمع اسمها.

-راضي: "ياسمين ديه راجل زينا مش بنت. ازاي يعني معحب

بيها يا أحمد."

يضحك البعض.

-احمد: "انا مش فاهم عملتلك ايه عشان تبقي محروق منها كده."

-راضي: "هي اللي عملتلك ايه، ديه واحد صاحبك اصلا."

-احمد: "مش حاجة لطيفة انك تتريق عليها خالص."

-راضي: "انا مبتريقتش عليها، انا بوصفها."

نري معظم الشباب يضحك.

تقرر ياسمين الانسحاب والذهاب الي المحاضرة.

-قطع-

## نهار داخلي-الجامعة (حمام الفتيات)

-صوت شد السيفون-

ونري ياسمين تخرج من الحمام، وتغسل يديها وعينيها علي يديها التي تغسل، ثم وتمشي بمحاذاة المرأة، ولكن تقف فجأة وتتجمد، لتتظر لنفسها بالمرأة، وتقترب من المرأة ببطء وهي غير معجبة بمظهرها اطلاقاً، علي الرغم من انها لم تكثرث قط به. تحاول تمشيط شعرها بيدها، ولكن بلا جدوي حقا. تحاول ان تري نفسها باوضاع مختلفة من الجوانب، وتضع التي شيرت بداخل البنطال، ولكن يكون شكلها اسوء مما كان عليه، فتخرج ياسمين التي شيرت، وتهز رأسها بقوة وتتأفف بيأس، وتخرج من الحمام.

-قطع-

مشهد 35

## نهار داخلي-الجامعة (قاعة المحاضرات)

تدخل ياسمين قاعة المحاضرة.

-مالك: "صباح الخير."

يتمتم الطلبة بترديد التحية.

-مالك: "طيب. دلوقتي عايزكم تنقسموا مجموعات من ثلاثة. هتقروا من صفحة 70 ل75، وتحاولوا مع بعض تعملوا

### Critical analysis and elaboration

للانتوا قريتوه."

ثم يبدأ يقسم مالك الطلبة.

ويشير مالك لطالب وطالبة جالسين بالقرب من ياسمين.

-مالك: "انت، اللي علي اليمين وانت اللي وراها.."

ثم يشير لياسمين.

-مالك: "وياسمين."

تجلس حيث اشار لها مالك.

الطالب بجانبها: "تفكروا هينوي يبدأ يشرح المنهج امتي الدكتور الروش ده."

-ياسمين: "يمكن شايف ان التطبيق العملي هيبقي احسن من انوا يشرح زي باقي الدكاترة."

-الطالب: "يعني انت شايفة ان اللي بيعمله ده صح؟"

-ياسمين: "انا شايفة ان ده احسن من انوا يقعد يقرأ من الباور بوينت."

-صوت من المشهد التالي-

L-cut for with the next scene

-قطع-

مشهد 36

نهار داخلي-كوريدور الجامعة

-يارا، بتشكك: "من امتي وانت بتدافعي عن دكتور."

-ياسمين: "انا مبدافعش. انا بس شايفة الموضوع من ناحية مختلفة."

-يارا: "بتدافعي عنه."

-ياسمين: "هو انا مش لازم ابقى معترضة علي كل حاجة."

-يارا: "بس دكتور مش بيشرح لحد اصلا وكل الناس بتشتكي منوا

كنتي هتبقي اول واحدة تعترض علي."

-ياسمين: "انا مبمشيش زي ما الناس بتمشي."

-يارا: "بس خلقتك ضيق مع الناس اللي بتستهيل، وهو

بيستهيل، مش فاهمة...."

فجأة، تتوقف يارا عن الكلام، وتنظر الي ياسمين.

-يارا، والمفاجأة علي عينيها: "انت معجبة بيه."

-ياسمين، وقد تورد خديها بشكل ملحوظ: "انا؟ اكيد لأ."

-يارا، بحماسة: "اكيد اه! اعترفي."

لا ترد ياسمين لبرهة.

-يارا: "السرحان طول الوقت،

التريقة اللي قلت،

وشك بينور لما نتكلم عنه

وبتلفي وشطريقة غريبة لما بنعدي من جنبه."

تزفر ياسمين.

-ياسمين: "بصراحة، ايوة معجبة بيه."

-يارا: "كنت متأكدة. وشك بينور لما

بنتكلم عنه. ازاي ملاحظتش!"

-ياسمين: "يارا، لو سمحتي متقوليش لأي حد خالص عن الموضوع ده

ديه حاجة بيني وبينك بس."

-يارا: "اكيد. بس ليه هو بالذات؟"

-ياسمين: "معنديش اي فكرة. كل اللي انا عارفاه اني..."

تصمت ياسمين قليلا.

-ياسمين: "اني معجبة بيه جدا."

تنظر اليها يارا بدهشة وفرحة.

-يارا: "وهتعملي ايه؟"

-ياسمين: "هنروح دلوقتي الليكتشر عشان محاضرة السايكو هتبدأ."

-يارا: "انت عارفة ان هي هتقول الدرجات بتاعت الاسيمنت النهاردة؟"

-ياسمين تهز كتفيها، محاولة ابداء عدم الاكتراث:

"What ever"

-قطع-

مشهد 36

نهار داخلي-الجامعة (قاعة المحاضرات)

نري يارا وياسمين في طرقات الجامعة

نري كل من يارا وياسمين وهما يدخلان قاعة المحاضرات، ونري دكتور جيهان وهي تجلس منتظرة الطلبة لبدأ المحاضرة، وبعد دقيقة، عندما تصبح الساعة 2، تقف جيهان لتبدأ محاضرتها، ليدخل احد الطلبة قاعة المحاضرات وهو شاب في اواخر العشرينات، مفتول العضلات، ويبدو انه اكبر سنا من باقي الطلبة.

-الشاب: "انا اسف يا دكتور والله، كان عندي محاضرة وتأخرت فيها."

-جيهان، بغزل: "ماشى بس اوعي تتكرر تاني، عشان انت عارفيني، هزعل منك."

-الشاب، ضاحكا: "كله الازعلك يا دكتور."

ثم تدخل فتاة المحاضرة مباشرة بعد جلوس الشاب.

-جيهان: "انا اسفة المحاضرة ابنتد، بعد اذنك برة."

-الفتاة: "انا اسفة يا دكتور والله المحاضرة اللي كنت فيها اتأخرت، انا اتأخرت دقتين بس."

-جيهان:

"Sorry no exceptions"

-ياسمين، هامسة ليارا: ". وبتقوليلي

"Discrimination against women"

-جيهان، لياسمين:

"No side talks

لو عايزة تقولي حاجة تقوليلها لي."

-ياسمين: "كنت بسأل بس هو درجات الاسيمنت طلعت ولا لسه؟"

-جيهان: "المره الجايه لو عندك اي اسأله ياريت تسأليني انا لان ممنوع حد يتكلم وانا بتكلم."

تلتفت جيهان لباقي الطلاب.

-جيهان: "هوزع دلوقتي الاسيمنتس."

تنداي جيهان كل طالب علي حدا

-جيهان: "سلمي محمد. عبد الرحمن مصطفى، احمد حمدي، ياسمين انس"

تذهب ياسمين ناحية جيهان لتستلم الاسيمنت، وتبتسم لها جيهان بي، لتجد ان درجاتها هي 10 من 20.

تري ياسمين يارا بعبوس وغضب، ورقتها.

ثم تستمع للشاب الجالس ورائها يتكلم مع صديقه، وهو نفس الشاب الذي اتي للمحاضرة متأخرا.

-صديق الشاب: "جايب 19 من 20؟ ازاي؟"

-الشاب، وهو ضاحك: "اقسم بالله معرف اصلا اسم المادة ايه، هه."

-قطع-

مشهد 37

نهار داخلي-الجامعة

-ياسمين: "عشان تعرفي ان عندي حق اني محبش الولية ديه!"

تقول ياسمين ذلك بينما تمشي مع يارا خارجة من قاعة المحاضرة.

-ياسمين: "بجد مش عارفة اعمل ايه في اللي انا فيه ده، الفكرة مش في الدرجة، بس في الظلم! متخيلة انها منقصاني لان

I have an angry tone of voice?"

ومنقصاني درجتين لانني كاتبة اول حرف في

اول سطر

Small!"

تنتظر ياسمين نحو يارا، لتجدها علي هاتفها تبعث نصا لاحد ما.

-ياسمين: "يارا انت سمعاني؟"

تلقت لها يارا.

-يارا: "اكيد.

Its not fair

بس انت عمرك ما اهتمتي بالدرجات؟"

-ياسمين: "ده من قبل ما التدريب اللي عايزة ادخله

شرطوا ان لازم احيب درجات عالية السيمستر ده."

-يارا: "ايوة، التدريب بتاع الكراش."

ياسمين، بضحكة قصيرة: "متخلنيش اندم اني قولتلك."

يمشيان بصمت لفترة قصيرة.

-يارا: "ممك اسألك سؤال؟"

-ياسمين: "مش محتاجة المقدمة ديه عشان تسأليني، وبعدين

تيكنيكلي ده الريدي سؤال سئلتهولي."

-يارا، متجاهلة رد ياسمين: "انت شايفة ان مشاعرك ديه جد؟"

-ياسمين، بعد برهة: "ايوة. حاسة ان هو ده الشخص اللي ه

End up with

الشخص الصح ليا."

-يارا: "يبقي لازم تصارحيه.

حاسة ان علاقتك بيه ممكن تخليكي شخص احسن."

-تهز ياسمين رأسها برقة: "حاسة ان في حاجة غلط

حاسة ان اللي انا فيه غلط.

لو كنت سمعت بنت بتقولي الكلام ده كان زمني بتريق عليها وهفكر ان عندها

## Daddy issues

تفتكري انا عندي

Daddy issues?"

-يارا: "هو انت ليه شايفة ان مشاعرك ناحيته غلط."

-ياسمين: "لانوا راجل اكبر مني 18 سنة مثلا.

لان حاسة ان مشاعري ممكن جدا تكون طفولية

ومش ناضجة، لان مش معني انها

حقيقية بالنسبالي تبقي حقيقية في المطلق ويبقي كل ده في دماغي."

-يارا: "حتي وانت بتكراشي بتتفلسفي. ما تكراشي من سكات زي باقي الناس."

تضحك ياسمين ويارا.

-قطع-

مشهد 38

ليل اداخلي-غرفة نوم

نري الام والاخت واقفتين امام المراة بغرفة، بينما ياسمين، الاخت الكبرى، تجلس، او بالاحري ترقد علي السرير، تفكر.

-الأخت الصغري، جنا: "بس اللون البيج احلي عليك يا ماما."

تشير جنا الي الفستان الطويل البيج.

-الام، رنا: "يعني ارجع الاسود؟"

-جنا: "مم. هو عادي حلو، لو عايزة ترجعي ماشي."

-رنا: "لا خلاص هرجعه."

-ياسمين، بشكل مفاجئ: "انا بكراش علي حد."

ينظر كل من جنا وورنا الي ياسمين، ويحدقوا فيها لثوان.

-جنا، بنبرة المتفاجئ: "ايه! ياسمين اخويا عندوا قلب!"

تفعل ياسمين تعابير وجه.

-ياسمين: "هاها. حققتي الضحك."

-رنا: "انا عارفة، وعرفة هو مين."

تجلس ياسمين، وتنظر اليها بدهشة.

-ياسمين: "انت عارفة ازاي؟ اذا كنت انا مش عارفة."

-رنا: "مش هو مالك؟"

تنظر لها ياسمين، ولكن باحراج، ويتورد خديها: "ازاي عرفتي؟"

-رنا: "عينكي بتلمع وانت بتتكلمي عنه، وبتتقلبي فجأة."

-ياسمين: "بس هو مجرد كراش مش اكثر،

بس انا معرفش ليه انا عندي المشاعر ديه ناحيته.

المهم اني بقلكم لانني مش عارفة اعمل ايه."

-جنا: "طيب وهو؟"

-ياسمين: "معرفة. ساعات بحس انوا معجب بيا، احساسى

من جوة بيقول انوا معجب بيا،

بس ساعات تانية بحس انى مش فارقة.

يعنى مثلا النهاردة اكتشفت انوا عارف اسمى. بس انا عمري ما عرفته بنفسى

، وفي 100 واحد في المحاضرة فصعب انوا يعرف اسامينا."

-رنا: "انصحك متعمليش اى حاجة،

انك تعيشي كأن لم يكن الا اذا اعترفك هو."

-قطع-

مشهد 39

نهار داخلي-غرفة النوم

نري ياسمين وهي تستيقظ من نومها، وشعرها مشعث. تقف بعيون نصف مغمضة، ونري وجهها العابس بينما تتحرك ناحية الحمام.

تدخل الحمام، وتنظر للمرأة، وكل ما تفعله هو انها تغسل، او بالاحري، ترمي ماء علي وجهها، ثم تغلق الصنبور بلا عناء لتجفف وجهها.

ثم تأخذ احد التي شيرتات السوداء، والتي تمتلك الكثير منهم، وبنطال موضوعين علي كرسي بغرفتها، تشم رائحة التي شيرت لتتأكد من نظافته، ثم تهز كتفيها بالموافقة وبالفعل، تضع البنطال والتي شيرت بالسرير، ولكن تتجمد لثانية، كأنها تفكر بشئ ما، ثم تفتح دولابها الفارغ تقريبا ولكن غير المنظم، تمد يدها، وتزيج الملابس لتصل لقعر الدولاب، حيث يوجد فستان صيفي موجود منذ الازل، تنظر له ياسمين لثانية، ثم تمد يدها وتأخذه.

-قطع-

مشهد 40

## نهار اداخلي-الجامعة

نري ياسمين وهي تمشي وحولها اناس يحدقون بها، ولكن لا نري وجهها. كل من تمر بجانبه يحدق بها. منذ الذي لا يحدق بفتاة غاية الجمال بفتسان يبرز جمالها، بشعرها الكستنائي، المفرد علي كتفيها علي غير العادة.

ثم نراها وهي تقف امام باب المحاضرة، تتنفس بعمق، ثم تدخل.

-قطع-

مشهد 41

## نهار اداخلي-قاعة المحاضرة

نري ياسمين وهي تدخل بينما مالك رؤوف يجلس ويديه موبيل، يرفع مالك عينيه لثوان، ثم ينزلها، ولكن يرفعها مجددا بسرعة، ويحدق بياسمين، هو وباقي الطلاب، بينما تجلس وسطهم.

يتحرك مالك اثر المفاجأة ليقع قلم البورد والممسحة بصوت مدوي.

ينحني مالك ويضعهم سريعا مكانهم، ثم يهب بالوقوف استعدادا للمحاضرة، بينما تحاول ياسمين تفادي النظر لعيون اي احد بينما تخرج كراستها وقلمها.

-مالك: "احم. النهاردة، هنتكلم عن استراتيجيات التواصل في الحروب الاقتصادية.

رحمة، اظفي النور اللي جمبك بعد اذنك."

-الطالب بجانب ياسمين: "اخيرا هيشرح؟"

يفتح مالك الباور بوينت.

-مالك: "عايزكم تقرأوا ال

Slide

ده وتعملوا

Summary

عن اللي فهمتوه."

-الطالب: " ياريتني ما اتكلمت."

تضحك ياسمين ضحكة خاققة...  
يجلس مالك في الظلام، ويحدق ناحية ياسمين، بينما تبادلته ياسمين التحديق.

-قطع-

مشهد 42

نهار داخلي-قاعة المحاضرات

تكون المحاضرة قد انتهت، ويبدأ الطلاب بالخروج.

-مالك: "ياسمين. الاسيمنت بتاعك اهو."

يعطيها اوراقها، وتمد يدها لتأخذ الورقة.

-مالك، بابتسامة: "حاسك عندك مشكلة مع البنك

المركزي."

-ياسمين، بابتسامة مطابقة: "انا عندي مشكلة مع

كل حاجة."

-مالك: "حتي في الجامعة؟"

-ياسمين: "خصوصا في الجامعة."

-مالك: "بس ده مش معناه ان انت صح وهما غلط."

-ياسمين: "وبردوا مش معناه ان هما اللي صح وانا اللي غلط."

-مالك، بابتسامة: "انت عارفة انك بالعقلية ديه مش هتعمري في حنة ولا

هتعرفي تتعاملي مع مجتمع."

-ياسمين، بابتسامة مماثلة: "مش مطلوب ان الناس تتكيف يميل  
مع المجتمع، المفروض المجتمع هو اللي بيتكيف مع تغيرات الناس، لان المجتمع  
معمول للناس مش العكس."

يهز مالك رأسه.

-مالك: "بس انت كده بتتطلبي من مجموع الناس  
انهم يتكيفوا معاك انتي كفرد، مش شايفة ان ديه انانية."

-ياسمين: "لو هما عايزيني اتكيف علي الغلط،  
يبقي لا، شايفة ان الانانية جاية من ناحيتهم مش من ناحيتي."  
يقترب مالك منها قليلا، ويميل رأسه للجانب.

-مالك: "ويا تري بتعملي كده بردوا

في

Your romantic relationships."

-ياسمين، ناظرة لفمه: "عمري ما دخلت

في

Romantic relationship."

يقترب منها مالك اكثر، كأنه سينحني ليقبلها، وينقل نظره بين عينيها وشفتيها.  
ولكن في اللحظة بيتعد عنها مالك، ويعطيها ظهره بينما يللم اشياءه.

مالك، بصوت رسمي: "عموما لو احتجتني حاجة

Contact me.”

-قطع-

مشهد 43

نهار\خاجي-الجامعة

تمشي ياسمين بمحاذاة الفود كورت، وجميع من حولها، بلا استثناء، يحدقون بها بينما يتكلمون مع زملائهم واصدقائهم.  
تجلس ياسمين في احدي الطاولات، وتضع القهوة، ثم تبدأ بالكتابة.

ياسمين بالفودكورت منغمسة في الكتابة. ثم تسمع نوتيفيكيشن من هاتفها، لتري ان مالك رؤوف قد ضغط علي زر الاعجاب باحد صورها بالفيس بوك. تنظر بقوة وعلي وجهها المفاجأة، يليها الفرحة العارمة، وابتسامتها قد اصبحت قهقهة عالية الصوت.

-قطع-

مشهد 44

ليل\داخلي-البيت (غرفة النوم)

نري ياسمين وهي تذاكر، وحولها كوم من الكتب والمراجع بينما تضع سماعات.  
تدخل ام ياسمين عليها.

-الام: "بتعملي ايه؟ انت لسه لحد دلوقتي بتذاكري؟"

-ياسمين: "انا مصممة انجح في الامتحان واخذ التدريب ده."

-الام: "متضغطيش نفسك زيادة عن اللزوم طالما بتعملي اللي عليكي

ومش مهم اذا اتقابلتي او لا."

-ياسمين: "دلوقتي بقي مهم."

ترفع نهاد حواجبها باستغراب.

-الام: "من امتي وهو مهم."

تنظر ياسمين خلفها، لتواجه امها.

-ياسمين: "من ساعة ما قررت اثبت نفسي بشروطهم."

-الام، باستغراب: "شروط مين."

-ياسمين: "شروط الناس، شروط المجتمع."

تجلس الام بجانب ياسمين.

-الام: "انت مش محتاجة تثبتي حاجة، وانت

دايما بتقولي كده، ايه اللي اتغير؟"

-ياسمين، بينما تكتب: "مفيش حاجة اتغيرت."

-الام: "واضح انوا فيه حاجة حصلت."

تجلس ياسمين باعتدال، وتلتفت لامها.

-ياسمين: "يمكن وضعي هو اللي اتغير."

صمت لبرهة.

-ياسمين:

"بدأت احس ان المرحلة الجاية هبقي مجبرة اتعامل مع المجتمع لو عايزة انجح،

اتعامل مع شروطه الغبية.

مش انت دايمًا بتقوليلي لازم اتعايش مع اللي حواليا؟"

-الام: "انا مش فاهمة بردوا. ايه اللي اتغير؟"

-ياسمين: "قولتلك يا ماما. مفيش حاجة تغيرت."

-الأم: "حد بيضايفك في الجامعة؟"

-ياسمين: "لأ."

-الام: "مش قادرة اصدق اني بقول كده، بس في حد انت معجبة بيه؟"

ياسمين، متلاشيه نظر امها: "لأ."

تتحول ملامح نهاد لدهشة.

-نهاد: "ياسمين! "

-ياسمين، بنظرة جانبية ناحية امها: "ايه؟"

-نهاد: "مين اللي عمل المعجزة وحرك قلبك؟"

-ياسمين: "ولا حد."

-نهاد: "بت انا عارفاكي من قبل اما تتولدي، من ساعة ما كنت في بطني.

مش هتضحكي عليا انا."

تتفادي ياسمين الكلام لبرهة.

-ياسمين: "ايوة انا معجبة بحد. بس ده ملهوش علاقة بالامتحان."

-نهاده: "ارهنك بكام انوا ليه علاقة.."

تفتح ياسمين فمها، ثم تغلقه مرة اخري، بينما يحدق كل منها في الاخر.

-قطع-

مشهد 45

ليل\خارجي-الجامعة (احد الاروقة)

نري الجامعة خالية من الناس الا من ياسمين التي تمشي في الاروقة شبه المظلمة.  
تمشي ياسمين وهي تحدق في الفراغ شاردة الذهن. وفجأة يظهر شخصا ما تكاد تصطدم به، مما يؤدي الي  
ذعرها وتشهق بصوت عال.  
لنري ان ذلك الشخص هو مالك رؤوف.

-ياسمين، بينما تلتقط انفاسها: "دكتور مالك، اسفة ما شوفتكش."

وترفع رأسها لتتظر اليه، فقط عندما تلتقي عينيها بعينيها تتجمد، وينظر كل منهما لبعضهما البعض كأنهما قد  
تجمدا.

ينتقل نظر مالك بين عينيها وشفتيها، وينحني بهدوء وبطئ، ناحية شفاهها، وتغلق ياسمين عينيها، مستعدة  
للحصول علي تلك القبلة.  
ولكن قبل ان يطبع قبلة في فمها، يختفي كل شئ ويسود الظلام.

-قطع-

مشهد 46

ليل\البيت (غرفة النوم)

نري ياسمين بسريرها، وتستيقظ فجأة فاتحة عينيها بقوة، وتعديل ياسمين من وضعيتها لتجلس، وتضع يدها  
علي وجهها.

-قطع-

مشهد 47

نهار\خارجي-الجامعة

تتجول ياسمين بالجامعة بعدما انتهت من لعب كرة السلة، بوجهها المتورد وملابسها المليئة بالتراب وبيدها تمسك كرة، لتري يارا مارة من امامها.

ياسمين: "يارا! فينك من يوم التلات؟"

-يارا: "كان عندي اسيمنت بشتغل عليه."

-ياسمين: "اووكي... بس بقالي كثير مشوفتكيش."

-يارا: "خلصتي جيم الباسكت وشغل التومبوي.هه"

تنظر لها ياسمين، صامته، لثوان.

-ياسمين: "خلصت شغل التوم بوي اه. هتروحي لدكتور ال

Discrimination and racism

تشوف الاسيمنت بتاعك؟"

-يارا: "انت الوحيدة اللي بتتريقي عليها يا ياسمين، بحس ساعات انك

Misogynist"

-ياسمين باستغراب ودفاعية: "احنا الاتين بنتكلم عن دكتور جيهان صح؟"

عندما لا ترد يارا تكمل ياسمين.

-ياسمين، اكثر هدوءا: "

انا شايقة ان ال

## Labels and stereotypes

بيعملها اكثر ناس مش فاهمة فبتريح دماغها انها تحط الناس اللي مبتحبهاش او

الناس اللي مش مفهومة بالناسبالهم في خانات، يعني بيريحوا نفسهم."

-يارا: "ده ميمنعش ان الخانات زي ما انت بتقولي عليها ديه مش موجودة.

في المغتصبين والحرامية والعنصرين."

-ياسمين: "كل دول مش موجودين، مجرد مفاهيم عملها شئ غير مرئي اسمه مجتمع.

في افعال زي الاغتصاب والعنصرية والسرقة، بس الانسان

اعقد انوا يبقي يتحط في خانة..."

تقاطعها يارا.

-يارا: "ماشى ماشى، باي باي دلوقتى عشان عندي محاضرة."

تذهب يارا، وتتابعها ياسمين بعينها، وتري يارا تقابل اية، وتعرف، ربما علمت منذ اللحظة الاولى، انها قد خسرت صديقتها للابد...

تجلس ياسمين علي عتبة السلم، باحباط ظاهر، وتخرج ورقتها ووقلمها، وتبدأ بالكتابة...

-قطع-

مشهد 48

ليل داخلي-البيت (غرفة النوم)

نري ياسمين وهي منغمسة في هاتفها بعد محاولات عديدة فاشلة منها للنوم.

ثم نري ما نتصفح، نري اسم مالك رؤوف في محرك البحث، وواضح انه كان قد تم البحث باسمه عدة مرات سابقة، ثم نري ياسمين وهي تحدد في اكونت مالك وصوره، ثم ترمي الهاتف بتأفف.  
تقف لتذهب لمكتبها، وتفتح الاباجورة، لتذاكر طوال الليل.

-قطع-

مشهد 49

نهار\خارجي-الجامعة

نري ياسمين وهي تمشي وحدها، ولكن المشكلة ليست لوحدها، ولكن لشعورها الرهيب بالوحدة. نراها تجلس، وتكتب قليلا.

تأتي احد الفتيات وتتجه اليها.

-الفتاة: "ياسمين، الحقي، دكتور ندي مسقطه نص الدفعة وانت معانا، لازم تعملي دروب للمادة قبل ما تتحسبك في المعدل التراكمي."

-ياسمين، مندهشة: "معقول؟ سقطت نص الدفعة؟ ليه بجد؟ ديه دكتورة فريش لسه اول مرة تدرس في الجامعة!"

-الفتاة: "معرفش بقي، بس اجري اعلمي دروب النهاردة."

-قطع-

مشهد 50

نهار\داخلي-جامعة

نري ياسمين وهي بمكتب شؤون الطلبة، وحولها عدد من الطلبة، وتجلس موظفة بشؤون الطلبة تكتب شيئا ما علي ورقة.

-ياسمين: " انا عايزة اعمل دروب لمادة، بس هينفع اخدها في ترم زيادة بدل

ما اخدها سمر كوورس؟"

-الموظفة، بدون ان ترفع رأسها من الورقة: "لا، لازم سمر كورس."

-ياسمين، بضيق: "بس انا المعدل التراكمي بتاعي بيسمحلي اخد مادة زيادة من غير ما ادفع فلوس."

-الموظفة: "لا والله، مش هينفع. هتعملي دروب ولا لأ."

-ياسمين، بضيق: "تمام."

-قطع-

مشهد 51

نهار\خارجي-الجامعة

نري ياسمين متجهة للباص، لتري امامها يارا واية معا يضحكان، وتشعر بوخزة طفيفة بداخلها، ولكن تحاول الا تفكر في الامر وتمشي.

-ياسمين: "باي يارا."

-يارا، ملتفتة نحوها بتعبير متجمد: "باي."

-قطع-

مشهد 52

نهار\داخلي-الباص

نري ياسمين، نائمة بكرسي الباص في اعرق نومة بالباص بحياتها. تفتح عينيها قليلا، ثم تفتحها بشكل كامل والرعب يكتسح ملامحها. تقف ياسمين وتجري ناحية باب الباص.

ياسمين: "نزلني هنا!"

بالفعل، يتوقف السائق، وتنزل ياسمين، لمكان لم تره من قبل.

-قطع-

مشهد 53

نهار\خارجي-الشارع

نري ياسمين بوسط شارع لا تعرفه مطلقا، وتشعر بالخوف. تتفقد جيوبها لتري انها لا تحمل سوي عشرة جنيهات.

تري غريب يمشي بالقرب منها لتتجه نحوه.

-ياسمين: "لو سمحت، فين اقرب محطة مترو."

-الغريب: "اقرب محطة مترو بعيدة شوية عن هنا، ممكن تركيبها من هناك."

-ياسمين: "طيب لو عايزة امشيلها."

-الغريب: "هتاخذ نص ساعة مشي، هتمشي كده قدام لحد ما تشوفي المستشفى، هتمشي يمين في شمال."

-ياسمين: "تمام. شكرا."

-قطع-

مشهد 54

ليل اداخلي-البيت

نري ياسمين وهي تدخل البيت، وتجلس باقرب كرسي لتجلس فيه، بينما تدلك قدمها بسبب مشيها الطويل. وتخلع حذاءها وشرابها.

ليدخل ابوها بالصالة ويرى حذاءها، ليشير لبقع الطين بالارض.

-الأب، صارخا بقوة: "ايه المنظر ده؟ شايفة انت عمالتي ايه؟!"

-ياسمين: "مكنش قصدي، مشيت كثير في الشارع والشارع كان مليون طين."

-الاب صارخا: "هو انت غبية ولا هيلة ولا انت مالك،

مش تقلعي الشوز برا البيت؟"

-ياسمين: "الموضوع مش مهم اوي كده انا هغير وهنصفها."

يضرب الاب ياسمين بكفه.

-الاب: "مش مهم! ادي اخرة اللي يربي غبية، متعرفيش ان انت دخلتي بكتريا وقرف ما يعلم بيه الا ربنا في البيت؟

متعرفيش ان ممكن حد فينا يجيله عيا بسببك!"

تدخل ياسمين الي غرفتها، والدموع تملأ عينيها.

-قطع-

مشهد 55

ليل اداخلي-غرفة النوم

نري ياسمين، في الظلام، ونري عينيها المنفتحة، ولكن لم تعد تبكي، انما كانت تكتب، ونستمع الي طريقة رقيقة علي الباب.

ينفتح الباب لنري الام علي طرف الباب، ولكن لا ترفع ياسمين عينيها من علي الورق.

-الام، مقتربة منها حتي تحتضنها: "معلش يا حبيبتي، انت عارفة ساعات بابكي بيبقي مضغوط من شغله."

-ياسمين، بهزة كتف، بينما تكتب: "عادي، اتعودت."

-الام: "بس انت بردوا مكنش ينفع تدخل والشوز بالشكل ده."

-ياسمين: "انت بتقولي ان انا اللي غطاني؟!."

-الام: "ايوة يا ياسمين، انت غلط. بس اللي بابكي عمله كان او فر."

تحرك ياسمين كتفيها لفوق حتي تتخلص من يد امها.

-ياسمين: "ماشى يا ماما. سيبيني بعد اذنك، عايزة اقعد لوحدي."

-نهاد: "متعملش كده يا ياسمين احنا بنحبك و..."

-ياسمين: "ارجوكي يا ماما سيبيني دلوقتي."

-قطع-

مشهد 56

نهار\خارجي-الجامعة

نري ياسمين وهي تأكلال فطور، بينما تقرأ كتاب، ويقف بقابلتها احمد، الفتى الذي تلعب معه كرة سلة.

-أحمد: "هاي."

-ياسمين: "هاي. عامل ايه؟"

-أحمد: "ممکن اقعء."

يشير ناحية الكرسي بقابلتها، وتهز ياسمين رأسها بالايجاب.

-احمد، مشيرا للكدمة البنفسجية بوجه ياسمين: "مالك؟ ايه اللي حصل."

تنجمد ياسمين دقيقة محاولة فهم ما يشير اليه، ثم يأتيها الادراك.

-ياسمين: "ديه؟ لأ عادي الكرة بس خبطتني جامد في وشي وانا بلعب."

-أحمد: "بقالك فترة مبتلعبيش باسكت، كل حاجة تمام."

-ياسمين: "كله تمام، انت عارف داخليين علي فاينلز وكده."

يتنفس احمد بعمق.

-احمد، بينما يلعب بمفاتيحه: "انا، كنت حابب اقولك علي حاجة."

نري وجه ياسمين المتجمد، بدون اي تعابير.

-ياسمين، بحيادية: "اتفضل."

-أحمد: "بصراحة يا ياسمين، انا حابب اتعرف عليك اكثر، يعني

انا معجب بيكي، و، وحابب يعني نخرج في مرة."

-ياسمين: "تقصد ديت؟"

-أحمد: "بالظبط، ديت."

-ياسمين: "انا..."

تنظر خلف احمد، لتري مالك رؤوف وهشام يمشان، بينما يحدق بها مالك.

لكن لسبب ما يغير كل من مالك وهشام من طريقهما، ويتجها ناحية ياسمين.

-هشام: "ازيك يا ياسمين؟"

-تنقل ياسمين نظرتها لكل من مالك وهشام.

-ياسمين: "ازاي حضرتك يا دكتور."

-مالك، موجهها كلامه لأحمد: "انت معانا في الكلية؟"

-احمد، بابتسامة: "انا في هندسة."

-مالك: "همم. دائما شايف الناس اللي بتدخل طب وهندسة

ملهومش شخصية وبيمشوا ورا القطيع."

في تلك اللحظة، يحدق الجميع ناحية مالك.

-هشام، سريعا متداركا الموضوع: "هيعملوا عيد ميلادي

بعد بكرة، المفروض انها

Surprise

بس بعد 8 سنين بقت عيد ميلاد عادي.

المهم، انت معزومة واي حد عايزاه يجي معاكي..."

-ياسمين: "كل سنة وانت طيب يا دكتور انا..."

ولكن يقاطعها مالك.

-مالك: "مين عمل في وشك كده؟!"

تلقت ياسمين ناحية مالك.

-ياسمين: "ديه ولا حاجة. كرة خبطتني."

علي الرغم من عدم تسأله اكثر من ذلك، ولكن يحدق مالك فيها وفي كدمتها بعبوس.

يلكزه هشام كأشارة ليمشيان ويذهب كل منهما. ويلتفت احمد، ويبدووا عليه الضيق قليلا من المقاطعة القصيرة.

-أحمد: "دكترة كليتك دول لاسعين."

تضحك ياسمين ويضحك معها أحمد.

-ياسمين: "أكثر مما تتخيل."

-أحمد: "كنا بنقول ايه؟ اه. الديت. انا وانت. ايه رأيك."

تلتزم ياسمين الصمت لفترة.

-ياسمين: "ممكن افكر في الموضوع؟"

-قطع-

مشهد 57

ليل\داخلي-البيت (الصالة)

نري ياسمين وهي تشاهد التلفاز.

-نهاد: "ياسمين؟"

تلتقت ياسمين.

-ياسمين: "نعم."

تشير لها امها ان تأتي.

تقف ياسمين، وتمشي ناحية الغرفة حيث الام.

-الام: "معاكي فلوس يا ياسمين؟"

-ياسمين: "انا اصلا مش بكلمك."

-نهاد: "الخصي وتلفيش وتدوري، معاكي فلوس؟ اه ولا لأ؟"

-ياسمين، وهي تنظر للارض: "اه معايا."

-الام: "ممم. يعني مكوونيش بتشحتي من اختك مية جنيه من شوية."

-ياسمين: "الحيوانة! هي قالتلك."

-الام: "من غير ما تقولي. ومتقوليش علي اختك حيوانة."

تخرج الام من جيبها مال، وتعطيه لياسمين، التي تأخذ المال علي مضض.

-الام: "وايه اخبار حبيبك."

-ياسمين: "حبيبي تمام، ببسلم عليك."

تنظر الام لياسمين نظرة ذات مخزي.

-ياسمين: "هو عشان انا عارفة ان اسم امه سمية وابوه احمد رؤوف سفير وعنده اخت اسمها ندي وعربيته

نوعها بي ام دابليو يبقي حبيبي يعني."

-الام، ويبدو عليها الاستمتاع: "مثلا."

-ياسمين: "حاجة غريبة فعلا يعني."

-قطع-

مشهد 58

نهار\داخلي-الجامعة-غرفة المحاضرة

نري ياسمين جالسة، شاردة الذهن، بينما تتكلم الدكتورة جيهان، وتوزع عليهم اوراق الاسيمنت ونتائج،

وفجأة، تضع الدكتورة جيهان، وعلي وجهها ابتسامة صفراء، الاسيمنت الذي يحمل درجة 5 من 20.

يقف الجميع لأنتهاء المحاضرة، ولكن لا تخرج ياسمين معهم، انما تتجه بتوتر ناحية الدكتورة جيهان.

-ياسمين: "دكتور. ممكن ثانية."

-جيهان، بصوتها الرفيع المزعج: "اتفضلي."

-ياسمين: "ممكن حضرتك تشرحيلي ليه اديتيني الدرجة ديه؟"

-جيهان، بضحكة: "

عشان انت مش مقسمة تقسيمة

APA style."

-ياسمين: "مم. طيب والكلام نفسه.

يعني حضرتك مثلا يعني مثلا السيرش، الكلام علمي ولا لأ،

او الله يعني المطلوب من الاسيمنت اتعمل ولا لأ."

-جيهان، ووجهها يبدأ بالتحول: "بس انت يا حبيبتي كلامك كله كأنك

غضبانة من حاجة، كأنك بتتريقي علي ال

اللي Theory

المفروض تتكلمي عنها."

-ياسمين، بكل هدوء: ""يعني انا كلامي بيضحك ولا بيعصب، مش فاهمة."

-جيهان: "

And watch your tone of voice"

معايا."

-ياسمين: "انا كده ممكن اعيد المادة ديه وانزل

سمر، غير انوا هيبوظ ال

Gpa

مع اني بعمل كل الاسيمنتس اللي عليا وبسلم

في الوقت."

-جيهان: " بصي، هي ديه الدرجة اللي انا شايفها مناسبة."

-ياسمين: "مع احترامي ليكي، بس انا من حقي افهم  
ليه ممكن اخد الدرجة ديه، حتي من باب اني مكررش الغلط اللي  
يخليني اخد درجة زي ديه."

-جيهان: "انا الريدي قولتك علي غلطاتك.  
ومش انت اللي هتعدي علي تصحيحي."

-ياسمين، بينما تهز رأسها بهزة ذات مخزي: "تمام "  
-قطع-

مشهد 59

فوتومونتاج

نهار\داخلي-غرفة الستاف

-ياسمين: "بس يا دكتور، زي ما انت حضرتك شايفة انا مش فاهمة ليه كل الدرجات اللي نقصتها ديه."

نهار\داخلي-غرفة شؤون الطلبة

-ياسمين: "انا بس مش عايزة اعيد مادة كاملة لاسباب انا مش فاهمة."

نهار\داخلي-مكتب العميد

-ياسمين: "مع كل احترام لدكتور جيهان بس مفيش ولا كومنت علي ال

Paper content

او السيرش. اقدر افهم ان غلطاتي

تنقصني بس مش تسقطني."

نهار داخلي-غرفة الدكاترة

-دكتور وردة: "عندك حق طبعا."

نهار داخلي-غرفة شؤون الطلبة

-موظفة الشؤون: "

وكويس انك كلمتيني لان ده مش

Fair

فعلا"

نهار داخلي-مكتب العميد

العميد: "واو عدك اني هكلمك الدكتور جيهان و اتناقش معاها."

-ياسمين: "تمام يا دكتور. شكرا جدا."

-قطع-

مشهد 60

نهار خارجي-حرم الجامعة

تخرج ياسمين من المبني الجامعي، متجهة نحو الباص، لتجد يارا واية يضحكان معا. لا يعيروها اهتمامهم وهي لا تعرهم اهتمامها، وتمشي بالقرب منهم، ولكن بعد المشي لفترة، تنظر لخلفها، وتري اية، وهي تميل ناحية يارا، بينما تشير بسبابتها ناحية المكان الذي كان به ياسمين، بينما تنظر يارا ناحيتها وهي تضحك، تلتفت مرة اخري حيث تمشي وعلي وجهها تعبير حيادي، ولكن نري يدها وهي تتكور بقوة.

-قطع-

مشهد 61

ليل\داخلي-امام باب الشقة

تفتح ياسمين باب شقتها، ويصل لاذنها اصوات عالية، بشكل ادق صوت ابويها وهما يتشاجران.

-الاب: "في ايه! مصاريف مصاريف، كل شوية مصاريف. اعملكم ايه انا يعني."

عندما تدخل وتظهر، يشر لها الاب.

-الاب: "اهي الهانم اللي في جامعة خاصة جت،

اسألها هي راحت فين المصاريف وانت هتعرفي. لأ و

كمان حضرتها عايزة مصاريف الامتحان اللي

سقطت فيه قبل كده."

-الام: انا مهما اعمل بردوا مش عاجب!

انا بجد مش عارفة اعملك ايه!"

ينخفض اصواتهما بينما تدخل ياسمين غرفتها وتغلق الباب، تضع يدها علي رأسها، ثم تمسك ورقة وقلم، وتبدأ في الكتابة.

-قطع-

مشهد 62

نهار\داخلي-الكوفي شوب

نري ياسمين وامامها موب القهوة الذي لا تلمسه، انما تنظر يمينها ويسارها كأنها تتوقع قدوم احدا ما.

ثم نري ان الكوفي شوب تفرغ من الناس رويدا رويدا، بينما ياسمين ما تزال جالسة، منتظرة...

-قطع-

مشهد 63

نهار داخلي-قاعة الامتحانات

نري ياسمين وهي تجلس بأحد طاولات الامتحان، بينما تهز رجليها بقوة، ووجها قد اصبح شاحبا من التوتر، وتمسك يدها علي شكل قبضة، وتعض شفتيها من حين لآخر.

ثم نري ورقة توضع امامها، مكتوب عليها، امتحان قدرات كلية اقتصاد وعلوم سياسية.

-قطع-

مشهد 64

نهار داخلي-الجامعة داخل المبني

تمشي ياسمين بكور يدور الجامعة، لتقابل بمحاذاتها، المحاضرة رئيسة القسم دكتور وردة.

تقف ياسمين امامها، او بالاحري، توقفها.

-ياسمين: "دكتور. حضرتك كلمتي دكتور جيهان عن الدرجات بتاعت الاسيمنت الفات؟"

-دكتور وردة، متجنبة النظر ناحيتها: "اه. وهي طلع عندها حق."

ياسمين، والمفاجأة تعلق ملامحها: "بس يا دكتور ممكن افهم ليه هي عندها حق؟"

-دكتور وردة: "كده، عشان هي الدكتور وهي الادري،

ومش انت اللي تعلميها ازاى تصحح الورق."

-ياسمين: "يا دكتور انا مش قصدي انا بس..."

-دكتور وردة: "وبعدين انا عرفاكي، انت بتاعت مشاكل ولبش،

ومينفحش الللي انت بتعمله ده."

-ياسمين، بارتباك: "انا.. انا معملتش اي حاجة.  
انا مجرد قولت في واحد اتنين ثلاثة بيحصل،  
وطلبت مساعدة مش اكثر."

فجأة، تأتي من خلف الدكتورة وردة احد دكاترة الجامعة.

-روان: "هو انت الللي كنت بتشتكي من دكتورة جيهان."

نري مالك ينظر الي ياسمين، متفرجا، وتلمحه ياسمين للمرة الاولى.

-روان، بصوت عال جعل جميع من في الكوريدور يراقب:

"لو انت فاهمة ان احنا الدكاترة

بنستقصد حد وشغل العيال ده؟

انت محتاجة تخرجي من دماغك عشان انت شكلك تعبانة في دماغك."

-ياسمين: "حضرتك بتزعقي ليه؟ انت مش من حقك

تتكلمي معايا بالشكل ده."

-روان، صارخة: "انت كمان هتعدي عليا، فاكرة نفسك ايه ولا مين؟ انت ولا حاجة، حتة طالبة زيك زي كل  
الطلبة الللي هنا، التزمي حدودك واحترامك، واذا كنتي شايفة ان ديه طريقة تتعامللي معاها مع مديرك او  
دكتورتك فانا ابشرك ان انت فاشلة راسمي وعمرك ما هتفلحي في حاجة. اتفضلي روعي اعتذري للدكتورة  
بتاعتك يلا بلاش وش."

تنظر ياسمين ناحية مالك، لتري انه اختفي.

-قطع-

مشهد 65

نهار داخلي-الجامعة-حمام

تمشي ياسمين بخطي سريعة، ناحية الحمام، وباللحظة التي تقفل باب الحمام عليها تبدأ بالبكاء...

-قطع-

مشهد 66

نهار داخلي-الجامعة-كوريدور

تمشي ياسمين بكوريدور الجامعة، بعد ان امحت بصورة جيدة اثار البكاء، علي الرغم من وجود القليل من الحمرة في خديها وانفها، ولكن ما تلبث ان تلاحظ ان هناك مجموعة من الناس تحدد بها، هناك ذلك الفتى صديق اية، راضي، ينحني علي اذن فتاة اخري ليقول لها شيئاً ما بينما ينظر اليها وتضحك الفتاة علي ما قيل.

-كارمين: "ياسمين. قررتي اسامي ولادك بعد ما تتجوزي دكتور رؤوف؟"

-جنا: "علي رأي اية، ده هيتجوز صاحبه اصلا.

مش عارفة ازاي متوقعة ان حد ممكن يبصلها. هه."

تمشي ياسمين، بدون ان تلتفت لاحد، ولكن في رأسها شيئاً واحداً، او بمعنى ادق، شخصاً واحداً....

-قطع-

مشهد 67

نهار داخلي-الجامعة

نري ياسمين وهي علي السلالم، تمشي ورائها، يارا.

-ياسمين: "يارا."

-يارا: "كنت لسه هكلمك انا..."

-ياسمين: "من هنا ورايح متكلميش معايا تاني،

انت شخص مينفعش يبقي في حياتي."

-يارا، محدقة وارتجافة: "تقصدي ايه."

-ياسمين: "اقصد ان ال

Friendship

او

whatever

اللي كان بينا انتهت،

Done

وانت بجد ما ينفعش تبقي صديقة او حتي حد معرفة،

عشان انت مينفعش حد يآتمنك علي سر. قولتلك ان

اعجابي بمالك حاجة بينا."

-يارا، بارتجاف وبصوت مهزوز: "انا.."

-يارا، والكراهية تعلوها: "انا.. انت فاكرة ان انت حد

ممکن يطيقك؟

انت شخص من كتر اما انت كل الناس بيكره. متعرفيش غيري.

هتعملي ايه من غيري؟"

تتجمد ياسمين لبرهة، محدقة بها.

-ياسمين، بعصبية: "ماشي يا ستي، انا كل اللي

بتقوليه ده واكثر. متكلميش بقي معايا تاني."

-يارا: "انت فاكرة نفسك حاجة مهمة بانك تتنططي علي الناس

وانت في الحقيقة ولا حاجة اصلا، انت مش مهمة، وعمتا  
براحتك، بس انت مش هتعرفي تتعاملي مع اي حاجة او اي حد من غيري، وريني هتعملي ايه."

تنظر لها ياسمين لبرهة، ثم تضحك.

-ياسمين: " واضح انك بتتكلمي عن نفسك هنا مش عني، انت فاكرة اني مش عارفة انك مصاحباني من  
الاول عشان انا مختلفة، فاكرة اني مش عارفة ان انت مصاحباني عشان

تتحامي فيا في الجامعة، وتحفظي ارائي وترددتها

زي البغبان مع الناس عشان تُلفتي الانتباه لنفسك عشان نفسيتك

الهشة اللي مش واثقة من نفسها تتشاف تبان،

وبعدتي عني عشان لقيتي

انك ممكن تباني اكثر مع اية؟

عشان تعرفي بس،

اية قربت منك هي وشلتها وعملت معاكي كل الفيلم ده مش عشان

عيونك الحلوة يا حلوة.

عشان تبعدك عني وبس،

الصاحبة الوحيدة ليا اللي موجودة في الجامعة.

واول ما تعرف انها حققت ده مش هتعبرك اصلا!"

-يارا: "هتخسري الصاحبة الوحيدة اللي عملتها في الجامعة؟"

-ياسمين: "مع الف سلامة."

-قطع-

مشهد 68

نهار داخلي-كوي دور الجامعة

في اللحظة التي تدخل فيها ياسمين وتمشي بالكوريدور، يلتفت معظم الناس ناحيتها ناحيتها، وهناك من  
يتهامس مع اصدقائه بينما ينظر لها.

-طالب، بهمس: "هي ديه اللي الدكتور هزقتها النهاردة."  
-طالب 2: "سمعت انها حكاكة وبتجري ورا دكتور رؤوف."  
-همس غير مفهوم-

وتري الناس تحدق بها ويهمسون بينما تمشي.

تحاول ان لا تلتفت لأحد، وان لا يظهر عليها اي تأثر.

-قطع-

مشهد 69

ليل داخلي-البيت (الصالة)

نري ياسمين وهي تتحقق من هاتفها.

تجلس رنا بمحاذاة ياسمين.

-رنا: "مالك؟ انطقي."

تنظر ياسمين اليها كأنها لا تعرف معني السؤال.

-ياسمين: "مالي يا ماما. منا زي الفل حنة واحدة اهو."

-رنا: "عينك حمرا وتحت عينك اسود.

مسمعتش صوتك خالص من اول امبارح."

-ياسمين، بابتسامة: "من امتي وانت بتسمعي صوتي."

-رنا: "مسمعتش صوتك اكثر من العادي."

-ياسمين: "ماما. سيبيني في حالي مش عايزة اتكلم دلوقتي."

-رنا: "ياسمين، حبيبتي. من امتي وانا بسبيك

في حالك. انا قعدالك لحد اما تنطقي."

تنظر لها ياسمين نظرة طويلة

ثم تلتفت ناحية ما تفعله بينما تتكلم.

-ياسمين: "قطعت علاقتي مع يارا."

-رنا: "يارا صاحبك اللي في الجامعة."

تهز ياسمين رأسها.

-ياسمين، بسخرية: "بس علي الاقل بقيت مشهورة في الجامعة

كل الناس عايزة توقيعني."

تنظر لها رنا مستفهمة.

-ياسمين، مدعية لامبالاة: "يارا قالت لأية عن مشاعري ناحية مالك

والحوار اتعرف، كمان الولية اللي قعدت تجعولي في نص الكوريدور بعلو صوتها

ده اكيد كان عامل مساهم اني ابقى معروفة اكثر."

-رنا، بقلق: "ياسمين، تحبي اجيلك اهزقلك الحيوانة اللي زعقتك ديه."

تهز ياسمين رأسها بالنفي.

-ياسمين: "مش هتفرق ياماما. ديه مشاكلني والمفروض اهندها."

تمسك رنا ياسمين وتحتضنها بقوة.

-رنا، بابتسامة: "بس احسن بردوا."

-ياسمين، باستغراب: "احسن ازاي."

-رنا: "عشان خلصتي من يارا، كنت بتقولي عليها صاحبك وخلصتي منها،

طول عمري مبرتجش للبت ديه، فاكرة قولتلك ايه لما نقلت منك

عشان ال

Speech

بتاعها."

-قطع-

مشهد 70

نهار داخلي-الكوري دور

نري تجمع طلبة اقتصاد وعلوم سياسية امام ورقة معلقة، الجميع يتدافع لييري ما فيها.

تتقدم ياسمين، وتحاول ان تري اسمها بالورقة، واخيرا تراه، وتري علامة حمراء بجانبه مكتوب عليها (مرفوضة).

تقف ياسمين قليلا، محدقة باسمها، ثم تتبعد عن الازدحام.

-قطع-

مشهد 71

نهار داخلي-غرفة المحاضرات

يتكلم الجميع بحماسة، بينما تجلس ياسمين لوحدها، شاردة الذهن.

حتي يأتي مالك رؤوف، والجميع يسكت.

-مالك: "مساء الخير.

اكيد عرفتموا ان نتيجة الامتحان عشان الانترنت شيب طلعت، لو حد عايز

يشوفها يدخل علي ويب سايت الجامعة. دلوقتي عايزين ندخل علي الاقتصاد المزدوج.."

-قطع-

مشهد 72

نهار داخلي-ستاف روم

نري مالك رؤوف يجلس بمفرده بينما يلقي نظرة علي الورق امامه.

-صوت طرق الباب-

-مالك: "اتفضل."

تدخل ياسمين من الباب، يرفع مالك رأسه لها.

-ياسمين: "مساء الخير يا دكتور."

-مالك، بهزة رأس كأنه يستوعب مفاجأة خفيفة: "مساء النور."

-ياسمين: "انا لسه شايفة نتيجة الامتحان بتاعت الانترنشيپ."

-مالك: "تمام."

-ياسمين: "انا خارجة وانا متأكدة اني مقفلة الورقة."

ينظر لها مالك ولا يتكلم.

-ياسمين، بعاطفة: "حضرتك ليه مختر تنيش."

يهز مالك رأسه.

-مالك: "عشان فيه ناس احسن منك."

-ياسمين: "بس انا قفلت الامتحان."

-مالك: " بس هما كان عندهم

Gpa

اعلي منك."

-ياسمين: "حضرتك اشترطت

GPA

معين اكون معدياه، مش اعلي

GPA

كمان انا جايبة اعلي درجة."

-مالك: "ده اخر قرار ليا."

-ياسمين، بغضب بدون ان تستطيع ان تمنع نفسها: "قرارك متحيز."

يقف مالك بغضب مواجهتها.

-مالك: "انت مين عشان تشككي في قرارى؟ ها. ابقى اوصلي لربع

اللي انا وصلته وبعدين ابقى اتكلمي. غير كده محدش اخذ او هياخذ رأيك."

تتنفس ياسمين بثقل، ثم تلتفت لتتجه الي الباب.

-مالك: "ياسمين."

-ياسمين: "ايوة"

يقف مالك بينما ينظر لها.

-مالك، بهدوء: " حاجة كمان عايزك تعرفيها. مش عارف انت فاهمة ايه،

بس الموضوع بعيد انوا يكون

Personal.

انا معنديش اي مشاعر ناحيتك، سواء بالسلب او بالايجاب."

تنظر له ياسمين، ثم تهز رأسها ببطئ، تفتح الباب وتخرج.

-قطع-

مشهد 72

نهار\خارجي-ملعب الباسكت

تلعب ياسمين بعنف غير مبرر. وتدفع الفتى امامها حتي يقع علي الارض.

ونراها وهي تفرغ غضبها في اللعب.

وفي كل تحاول احراز هدف، تفشل فشلا ذريعا.

وفي الخلفية، يشير رشاد، يشير اليها بينما يضحك.

-رشاد، يضحك: "مش قولنا البنات مكانهم المطبخ، ناقصات عقل ودين."

نري ان احدا قد اعطاها الكرة، ولكن عند دخولها للباسكت لتحرز هدف، يلتوي كاحلها، وتسقط بقوة علي الارض بوجهها.

ويضحك رشاد بصوت اعلي.

-قطع-

مشهد 73

نهار\داخلي-عيادة طبيب

ياسمين تضع مناديل علي انفها الدامي.  
يلتفت لها الطبيب.

-الطبيب: "لازم تعملي رنين مغناطيسي علي ركبتيك."

-ياسمين: "ليه؟"

-الطبيب: "احتمال قطع في الرباط الصليبي."

-ياسمين، برعب: "بس ده معناه اني مش هعرف العب باسكيت. صح؟"

-الطبيب: "للاسف لو قطع في الرباط الصليبي

فلازم هنقلل الحركة ونمنع اي رياضة فيها جري او تحريك

الركبة بشكل عام."

-قطع -

مشهد 74

ليل اداخلي-غرفة النوم

تكتب ياسمين وتكتب في عتمة غرفتها، لا تنام، لا تأكل، لا تلتفت لأي شئ، حتي ان عينيها اصابتها الحمرة،  
لا نعرف بسبب الارهاق ام بسبب بكائها كل حين، لا تعرف كم مر الوقت علي كتابتها، ولا تعرف متي  
بالضبط، ولكن في منتصف كل ذلك سقطت واستسلمت للنوم.

-قطع-

مشهد 75

نهار اداخلي-غرفة النوم

نري ياسمين وهي تستيقظ وسط اوراق كثيرة، تفتح عينيها رغما عنها، لا تريد ان تستيقظ، فكلما تفتح عينيها تغلقه من جديد، حتي تحاول التقلب بعيدا عن اشعة الشمس، وتضع الوسادة علي رأسها، ولكن تستسلم وتقف رغما عنها.

تمسك الهاتف، لترى رسالة من النادي تقول.

"لقد تم قبولك في فريق السلة لنادي الزمالك بفرقة السيدات. برجاء زيارة النادي في اقرب وقت لأستلام جدول التمارين."

ترمي ياسمين الهاتف بلا اكرات.

ترتدي ملابسها للذهاب للجامعة، ترغم نفسها علي ذلك.

ثم تتمهل قليلا، لترى الاوراق وكراستها موضوعين باهمال في سريرها. تتأمل في الورق قليلا، ثم تتخذ قرارها...

تللم جميع الاوراق المتناثرة، وتمسكها لتضعها في اقرب قمامة بالبيت، وتفتح باب الشقة لتخرج.

-قطع-

مشهد 76

نهار\داخلي-الجامعة-غرفة المحاضرة

فوتومونتاج

نري ياسمين، وهي جالسة بتعبير جامد بالمحاضرة بينما جميع من حولها يكتب.

-قطع-

نهار\خارجي-ملعب كرة السلة

نري ياسمين وهي تجلس بالبنش بينما تشاهد الفتيان يلعبون كرة سلة.

ثم نري احمد يمر بجانبها كأنه يمر بجانب شبح. ولكن لا تكثر له.

-قطع-

نهار\خارجي-فوود كورت

نري ياسمين وهي تجلس في الفود كورت وحدها، بينما تأكل بيد وتقرأ كتاب باليد الاخرى.

-قطع-

مشهد 78

نهار\خارجي-امام مبني الجامعة

تجلس ياسمين باحد بانشات بالجامعة، بينما تدخن سيجارة، شاردة الذهن.

-صوت: "مكنتش اعرف انك بتدخني."

تنظر ياسمين ناحية الصوت، لترى فتاة نحيفة القوام، جميلة.

-ياسمين: "سوري بس انت مين؟"

-سارة: "انا سارة، بقالي تلت سنين معاكي في الكلية وكنت معاكي في

Group project."

تهز ياسمين رأسها.

-ياسمين: "انا اسفة. بس انا مبخدش بالي من الناس اللي حواليا."

-سارة: "لاحظت."

تحقق بها ياسمين.

-ياسمين: "اوكيه..."

-سارة: "متفهمنيش غلط، انا معجبة بيكي جدا وشايفة انك هتبقى حاجة كبيرة."

-ياسمين، ناظرة اليها: "وانت ازاي عرفتي اني هبقي حاجة كبيرة."

-سارة: "عشان انت مختلفة،

الناس اللي شبهك ببقوا حاجة كبيرة، بس مكتوب عليهم معاناة ابدية."

-ياسمين: "ليه؟"

تمسك سارة منها السيجار، وتدخن.

-سارة: "عشان مش عايشين فعلا، عايشين كده وكده، بيعشوا لوحدهم ويموتوا لوحدهم.

لان كل الناس عايشين في عالم،  
وهما عايشين في عالم تاني."

-ياسمين: "انا مش محتاجة حد في حياتي،  
كل حاجة بعملها لوحدي."

تنتظر لها سارة.

-سارة: "مفيش ولا حاجة في حياتك بتعملها بنفسك،  
حتي افكارك اللي انت فاكرة انك بتختارها بكامل ارادتك  
مش بتعتك، انت بتختاري افكار واراء ناس هما كمان اختاروا  
افكار واراء ناس تانيين. انت اتولدت بصفات جينية وراثية  
بتاعت ناس، بتتعلمي من الناس اللي حواليك،  
بتخوضي تجارب مع الناس اللي حواليك.  
انت محتاجة الناس لان انت من الناس."

-ياسمين: " عادي في ناس بتعيش لوحدها وبتبقي سعيدة وناجحة."

-سارة: "وانت؟ انت عايزة تبقي حاجة كبيرة عشان الناس اصلا."

-ياسمين، بانفعال: "لا طبعا.."

ولكن تسكتها سارة بحركة من يدها.

-سارة: "لو هتشتغلي عشان تنفعي الناس، فانت احلامك

مبنية علي وضع الناس اللي حوالكي.

لو بتشتغلي عشان تبقي متميزة عن الناس، يبقي انت

احلامك مبنية علي وضعك الاجتماعي مع الناس.

فانت في اي حال جوهر احلامك كله مبني علي الناس."

ومن حيث لا تدري ياسمين، تظهر سيدة في الثلاثينات.

-السيدة بصراخ: "ايه اللي في ايدك ده؟! حشيش؟!"

-ياسمين: "انا..."

تنظر الي حيث كانت سارة، ولكن لا تري احدا، كانت سارة هلوسات.

-السيدة: "اسمك وال

ID"

تنظر ياسمين الي السيدة، وتهرب باقصي سرعة لديها.

-قطع-

مشهد 79

ليل\داخلي-البيت-الصالة

نري ياسمين وهي تدخل الشقة، لتواجه اباها الجالس بالصالة ويده السيجار وامها بجانبه.

-انس: "ايه اللي مأخرك كده يا هانم؟"

تأخذ ياسمين نفس عميق.

-ياسمين: "قعدت مع صاحبتى شوية."

-انس: " انت حد بيطايقك اصلا عشان يصعد معاكي."

تلتفت ياسمين لتدخل غرفتها.

-انس، بغضب: "خدي هنا يا بنت انا مش بكلمك."

-ياسمين، بغضب مماثل: "لا، انت مبتتكلمنيش انت بتتريق عليا."

يقف انس بغضب.

-انس: "انت ازاي تتكلمي معايا بالشكل ده يا بنت الكلب انت.  
مهو طبعاً، انا اللي مدلحك وكل اللي بتطلييه بجبهولك. المفروض  
كنت اربيكي."

-تصرخ ياسمين، غير عابئة: "لو بتكرهني اوي كده جبتني ليه؟!"

-نهاد: "ياسمين! ازاي تتكلمي كده مع باباكي؟"

-تصرخ ياسمين، ملتفتة لنهاد: "انت ازاي سلبية كده؟ ازاي قابلة التهميش فيا بالشكل ده في الراحه  
الجاية  
كأني ولا حاجة."

يضرب انس ياسمين.

-انس: "ازاي تكلمينا بالشكل ده!"

تدفع ياسمين انس بقوة، ليعلو علي وجهه المفاجأة.

-ياسمين، بينما تتنفس بقوة: "انا بكرهك! وبكره البيت ده."

ينظر الجميع لبعضهم البعض والصدمة تملو وجوههم.

تتصرف ياسمين لغرفتها، تاركة ابويها بالصالون.

-قطع-

مشهد 80

ترقد ياسمين علي السرير في غرفتها شبه المظلمة، بينما تمسك كرة مطاطة بيدها، ترميها في الهواء لتنزل بيدها مرة اخري.

-نسمع طرق علي الباب-

لاتحرك ياسمين ولا تجيب علي الطرق.

نري الام تدخل وتقف امام سرير ياسمين، عاقدة يديها، بينما تراقب ياسمين وهي ترمي الكرة.

-الأم: "ممكن نتكلم؟"

لا ترد ياسمين عليها، بينما ترمي الكرة ناحية السقف.

الام: "طيب ممكن تقعدتي تبصيلي عشان نتكلم؟"

-ياسمين، بدون النظر لها: "عشان مش عايزة اشوف حد."

-الام: "لو سمحتي يا ياسمين قومي."

لا ترد ياسمين عليها.

تأخذ الام منها الكرة بغضب.

-الام: "هو انت فاكرة انك عايشة لوحدي؟ فاكرة ان الحياة بتلف حواليك؟"

-ياسمين، بغضب: "نفس الكلام تاني بيتعاد!"

ايوة انا عازلة نفسي منكم كلكم، وبقصد علي فكرة عمرك ما سألتني نفسك ليه؟

عمرك ما فركتني ان انتم كمان عندكم مشكلة."

-نهاد: "انت عارفة ان احنا بنعمل كل اللي نقدر عليه ناحيتك."

-ياسمين، مقلدة امها: "وانا بردوا بعمل كل اللي اقدر عليه. شوفتي؟  
مفيش اسهل انك تعفي نفسك من المسؤولية."

-نهاد: "محدث مسؤول عنك! انت كبيرة وناضجة علي كده."

-ياسمين: "انا عمري ما طلبت تشيلوا مسؤوليتي."

-نهاد: "ومع ذلك احنا شيلناها."

-ياسمين، بينما تبكي: "مش شايفين طريقتم معايا حولتني لأيه؟  
شخص مش واثق من نفسه وشايف نفسه قليل  
طريقته في الدفاع عن نفسه من احساس التهميش انوا ينسحب  
من العالم كله."

تبكي ياسمين اكثر، وتنظر نهاد اليها.

ثم تلف ذراعها حولها.

تتنفس نهاد بعمق.

-نهاد، مكلمة: "عندك حق في غضبك، بس اعرفي اني بحبك اوي

وعمري ما قصدت اعمل اي حاجة تأذيكي."

تمسح ياسمين دموعها.

-ياسمين: "مش انت المشكلة بتاعتي يا ماما.."

-نهاد: "اقولك المفاجأة كمان، مش مهم مين الاصل، المهم مين في ايده الحل."

تمسح نهاد دمة علي وجه ياسمين.

-ياسمين: "تقصدي ايه؟"

-نهاد: "اقصد ان الانسان مبيخترش بداياته

بس يقدر يختار نهايته. يمكن مختار تيش مشاكلك اللي بسبب نشئتك يا ياسمين، بس تقدر

تختاري رد فعلك ليها اللي ممكن يحلها وممكن يعقدها اكثر."

-ياسمين: "حياتي كلها باظت."

تضحك نهاد.

-نهاد: "ياسمين، حياتك لسه مبدأتش عشان تخلص،

حياتك هتبدأ بس لما يبقى عندك اختيار مشاكلك."

يدخل عليهما انس، ابوا ياسمين، وتبدوا تعبيرات وجهه غريبة.

-انس: "لو سمحتي يا نهاد. سيبيني مع ياسمين."

تتردد نهاد للحظة، ثم تخرج من الغرفة.

-قطع-

مشهد 90

ليل داخلي - غرفة ياسمين

نري ياسمين وابها يجلسان علي السرير، ابها يحرق بالفراغ، لا يتكلم، بينما نهاد تلتفت له بتردد من وقت لآخر.

-انس: "انت فعلا بتكرهيني."

بدا علي ياسمين عدم توقع السؤال بالمرة.

-ياسمين، بتلعثم: "اكيد لا انا.."

-انس: "انا كنت بكره ابويا."

تنظر له ياسمين، والمفاجأة تعلق وجهها.

-انس، مكملًا: "وعدت نفسي اني في يوم من الايام مش هبقي زيه.

واضح اني خلفت وعدي.

لما خلفتك، كنت مبهور بيكي، احلي حاجة في حياتي.

كبرتي وشفقت فيكي تميز وذكاء مشفتهومش في اي حد في حياتي.

كنت عايز اخليكي احسن واحدة،

كنت شايف فيكي نفسي،

وكنت عارف انك لو اشتغلتي علي نفسك هتبقي حاجة كبيرة اوي.

بس كنت شايف عندك مشكلتين، اولهم ان معندكيش اي هدف او وجهة.

وتاني حاجة، وديه كانت اصعب حاجة بالنسبالي، انك عازلة نفسك.

ديه كانت صعبة بالنسبالي لانني زيك، وده خلاه وجودي زي عدمه.

كنت خايف تبقي زيي. خايف ذكائك وجمالك وتميزك يندفنوا."

تنظر ياسمين له لوقت قصير.

-ياسمين: "كنت فراك بتكرهني. قعدت طول حياتي احول اثبتلك

نفسى، عشان تبقي فخور بيا. بس عمري حسيت بده."

-انس، واضعا يده علي يد ياسمين: "انا طول الوقت فخور بيكي."

-قطع-

مشهد 91

نهار\خارجي-فود كورت الجامعة (مشاهد متتابعة)

نري ياسمين، وهي تجلس وحدها غارقة في افكارها، وتمسك بيدها قلم تلفه حول اصبعها، ونري ما حولها، من شلة الشباب امامها، للاحباء علي يمينها، ومجموعة الفتيات الضاحكة علي شمالها، كلهم في مجموعات، في ما عدا هي، بالمنتصف، لوحدها.

تمسك القلم، وتكتب.

-قطع-

-فويس او فر ياسمين-

-ياسمين: "يمكن ماما عندها حق

وحياتي ماشية في الاتجاه الغلط.

طول الوقت بحكم علي الناس...

بتريق عليهم..

مشكلتي دايمًا كانت في الناس اللي حواليا.

بس يمكن انا المشكلة...

انا المشكلة في اني مش سعيدة.

انا المشكلة اني مش لسه عارفة طريقي.

انا المشكلة في اني مش عارفة اتعامل معاهم...

انا مشكلتي...

بس بردوا.

انا حلها..

يمكن ديه كانت طريقي اني ارفض الناس قبل ما يرفضوني.

اني ارفضهم قبل اما ارفض نفسي...

عشان كده قررت اغير حياتي...

اخليها زي ما انا عايزاها..

عشان اعرف اقبل نفسي.

واحبها.

قررت لأول مرة في حياتي، اركز فعلا في نفسي

بقت بروح الجيم واكل اكل صحي

نري ياسمين تلعب بالجيم، وقد خسرت جزء من وزنها.

بقيت بدي فرصة لنفسي افهم الناس،

عشان افهم نفسي

واتفاجأت اني بقيت بتعاطف معاهم.

زي ما اتعطفت مع نفسي.

وعهدت نفسي اني هعمل فرق في حياة اللي حواليا..

نري ياسمين وهي تحمل اكياس لسيدة عجوزة.

ثم نراها وهي تتطوع في جمعيات خيرية.

حتي ولو كان فرق بسيط.

بقيت بهتم بعيلتي اكثر

نري ياسمين وهي في تجمع عائلي كبير تضحك معهم.

ونراها وهي تساعد امها واختها في المطبخ.

وبقيت بكتب، بكتب كثير

كنت عارفة اني بعرف اكتب

نري ياسمين وهي تكتب بكراسة.

وبسبب حيي للكتابة، كنت بكتب بشكل لا ارادي

ولكن دلوقتي

تبتسم ياسمين بينما تغلق كراستها.

بقت في وحي تام ان هو ده طريقي

وان هو ده اللي انا عايزاه

نري ياسمين وهي ترتدي بلوزة وبنطلون، وتمشط شعرها.

بس الأهم من ده، بقيت بهتم بنفسي.

نراها تخرج من البيت.

وبقيت بحبها...

وعرفت اني مش مختلفة عن الناس اللي بنتقدمهم...

-نرجع للمشهد حيث تجلس بالفود كورت وسط شلة الشباب-

ونراها وهي في الفود كورت بالجامعة، تحدق بشلة شباب امامها.

انا في نفس انانيتهم.

نفس شعور استحقاقهم.

نفس نرجسيتهم اللي مفكرة ان العالم معمول ليهم وبس،

الناس اللي حوالهم يبقوا علي مزاجهم

والدنيا تمشي علي هواهم.

نراها تبعد نظرها عنهم، وتغلق كراستها التي كانت تكتب فيها.

نري ياسمين تمشي بالكوريدور بالجامعة، لنري مالك رؤوف، ومعه زملائه منهم جيهان، وهم يضحكون بصوت عال، ويمرون من جانبها، ونري لجزء من الثانية وجه مالك يعتليه العبوس عند رؤيتها.

-ياسمين: "وعلني الرغم اني كنت غلط في حاجات كثير."

تلنتفت، لتتنظر من خلف كتفيها علي اساتذة الجامعة.

-ياسمين: "الا اني مش هسيب حقي."

-قطع-

ليل\خارجي-كافيه شوب

نري ياسمين، وبيدها كتاب يبدوا عليه الضخامة، وامامها قهوة تشرب منها من حين لآخر.

-صوت-

ممکن اقعد معاكي.

ترفع رأسها، لتري امامها مالك رؤوف.

تنظر له ياسمين لبرهة، وعض شفتيها.

-ياسمين: "اتفضل."

يجلس مالك بواجبتها، ويشير الي الكتاب.

-مالك: "الكتاب اللي في ايدك ده كان المفروض اقرأه

وانا بعمل ماجيستير، مقدرتش

اقرأه فقرأت الملخص بتاعه."

تهز ياسمين رأسها ايجابا بلا مبالاة. بدون ان تتكلم كلمة.

ويجلس كل منهما صامت لبرهة.

-مالك: "انا كدبت عليك علي فكرة."

تنظر له ياسمين لوهلة.

-ياسمين: "مش فاهمة."

-مالك: "لما قولتلك اني معنديش اي مشاعر ناحيتك.

الحقيقة ان انا معجب بيكي."

لا تتكلم ياسمين بينما تنظر له وعلامات المفاجأة في وجهها.

يميل مالك بجسده ناحية ياسمين.

-مالك: "من اول مرة شوفتك فيها حسيت باحساس غريب، بس قوي.

حسيت ان في كيميا بينا، ان في عالم موجود محدش ليه اكسيس ليه غيري انا وانت."

-ياسمين: "ليه قولت انك مش معجب بيا."

-مالك: "عشان خوفت.."

-ياسمين، بقوة لم تقصدها: "خايف علي شكلك قدام الناس."

مالك، بخجل: "ايوة. مش هكذب عليك.

بس مش زي ما انت متخيلة.

انا مش خجلان منك، انا بس..

كنت خايف اني...

يتنفس مالك بقوة

اني انسي نفسي معاكي

كنت

خايف ابعده عن العالم اللي انا فيه

واغوص معاكي. وانسي الواقع اللي حواليا."

-ياسمين: "وايه اللي اتغير؟"

-مالك: "انا اللي اتغيرت. وبجد انا اسف ليكي. وحابب تديني فرصة اتعرف  
ومع ذلك مش هلومك لو قررتي انك مش عايزة بيبقي ليكي علاقة بأي حاجة تخصني."  
لا تتكلم ياسمين، وتنظر له بوجه جامد.  
وينظر لها مالك لبرهة، ثم، وبحركة ثقيلة، يهز رأسه ايجابا، وعينه لا تركزان علي شئ.  
يقف. ويلتفت ليمشي.  
-ياسمين: "لو حابب ممكن تاخذ الكتاب عشان الماجيستير بتاعك."  
ينظر كل منهما للاخر، ويبتسمان.

-قطع-

\*بعد مرور شهرين\*

مشهد 93

نهار\داخلي-الجامعة

كعادتها، تخرج ياسمين من الباص وهي نعسة، ولكن علي عكس كل المرات التي رأيناها فيها بالجامعة، نري شكلها مهندم وشعرها ينساب علي كتفيها، وترتدي بنطلون جينز وبولزة بدلا من التي شيرت الاسود الذي كانت ترتديه كل يوم بالجامعة.

-قطع-

مشهد 94

نهار\داخلي-كوريدور الجامعة

نري ياسمين وهي تمشي بالكوريدور، وتأخذ بعض الوقت حتي تلحظ ان الناس تهمس بينما تشير عليها، ولكنها اصبحت معتادة علي ذلك، وتكمل مشيها، بدون النظر للناس، وهي تتثائب.  
ثم تقابل الدكتور روان، تلك التي صرخت بوجهها.

-دكتور روان: "هاي ياسمين. حلوة اوي البلوزة."

وتمر كل من ياسمين، التي يعلو علي وجهها الاستعجاب، وروان بجانب بعضهما، وتنظر ياسمين ورائها حيث تتجه روان.

ثم تكمل طريقها، متجهة الي الفود كورت.

-قطع-

مشهد 95

نهار\خارجي-الفود كورت

نري ياسمين، ووجهها مغروس بالكتاب الذي بيدها، بينما الناس حولها تنظر اليها ويتكلمون لبعضهم بينما ينظرون لياسمين التي لا تلاحظ اي شيء.

يجلس مالك بمقابلتها، ويعطي لياسمين ساندويشا.

-ياسمين، بمرح: "بس انا مطلبتش ساندوتش."

-مالك، بابتسامة: "انا جايبك ده عشان متخلصيش علي اكلي."

-ياسمين: "بس انا مش جعانة."

-مالك: " كل شوية تقوليلي الكلمتين دول ولما اجي

اجيب اكل بيتنسف في الاخر."

ولكن قبل ان ترد ياسمين، تلاحظ ان شلة من الشباب كانوا ينظرون اليها ولكن عندما لاحظتهم التفتوا جميعا بعيدا عنها. ويلاحظ ايضا مالك.

-ياسمين: "هو في حاجة جديدة حصلت او حاجة."

-مالك: " ما انت عارفة انهم بيتكلموا علينا من ساعة ما بدأنا

Dating"

يفتح مالك وجيبته ليبدأ بالاكل.

-ياسمين: "بس الموضوع كان بدأ يخف."

تمد ياسمين يدها لتأخذ من البطاطس، ولكن يضرب مالك يدها.

-ياسمين: "اه. بدوق بس."

-مالك: "ممكـن تدوقي بلوتوث لو سمحتي؟!"

-قطع-

مشهد 96

نهار\داخلي-غرفة المحاضرة

نري ياسمين وهي ترسم شيئاً ما، منتظرة الدكتور جيهان. تنظر ياسمين علي يمينها لتري يارا تحديق بها، وما يفصلهما هي فتاة، لتلتفت بسرعة يارا عندما تلحظ ان ياسمين تنظر اليها.

-الصوت يسبق الصورة-

-جيهان: "صباح الخير. يا شباب، قبل اما ابدأ حبيت اشكر

Student

هنا عملت حرفيا

The perfect paper

وحبيت اخليها تشرح ال

Thesis

بتاعت ال

Paper

بتاعتها."

نري ياسمين، وهي ترسم علي ورقة بشكل عشوائي شخصية كرتونية.

-دكتور جيهان: "ياسمين..."

تنظر ياسمين حولها وتبعد عينيها عن الورقة، مازالت لا تستوعب ما يقال.

-ياسمين، كأنها لم تكن تستمع لأي شيء: "ايوة؟"

-جيهان: "احكيلنا يا ياسمين عن الانترنتيو بتاع ال

Paper"

تدرك ياسمين انها هي المعنية بالكلام عندما تري ان الجميع ينظر اليها.

-ياسمين: "امم. كل الموضوع ان انا بعثت للسفير علي

الفييس بوك وشرحت

انا مين عايزة ايه

، وكانت مفاجأة انوا وافق

وبعد الانترنتيو عرفت اتواصل مع اعضاء في الامم المتحدة."

تسمع همهمة حولها.

-جيهان: "يعني كل اللي انت عملتيه انك بعثي رسالة علي الفييس. صح؟"

-ياسمين: "بالظبط."

-جيهان: "بجد برافو عليك، وانت يا ياسمين متميزة وهيكون ليكي مستقبل."

-قطع-

مشهد 97

نهار داخلي-الجامعة-الكورييدور

نري ياسمين بينما تمشي، والجميع يحدق بها.

ونري راضي، اية، يارا وجنا يحدقون بها.

ثم نري احد الطلبة وهو يتجه نحوها بابتسامة.

-الطالب: "مبروك يا ياسمين. ان شاء الله تكسبي الجائزة."

ولكن قبل ان ترد بأي شيء، يتركها ويذهب بينما تتبعه من خلف كتفها.

-قطع-

مشهد 98

ليل\داخلي-حجرة

نهار\داخلي-البيت (الصالة)

نري ياسمين وهي تجلس بالصالة، ثم نري امها وهي تدخل من الباب ومعها خضراوات وكياس بقالة.  
تقف ياسمين علي الفور، لتأخذ منها الاكياس.

-الام: "حسبي ده كيس ثقيل، احكي لي، عملتي ايه النهاردة."

-ياسمين: "النهاردة كان يوم غريب

دكتور روان، عارفها، اللي

زعت فيا في نص الكوريدور ادام الناس

قالتلي ان بلوزتي حلوة."

تضحك الام.

-ياسمين: "استني، ده لسه الثقيل جاي.

دكتور جيهان اللي اتخانقت معاها عشان بتديني

درجات اقل من النص في الاسيمننتس قالتلي ان الاسيمننت بتاعي كان

"perfect"

وتقول بيرفيكت بينما تحرك اصابعها بشكل قوسين.

تأخذ ياسمين باقي الخضار وتفتح الثلاجة، لتضعه بها.

وتقول، بينما ظهرها لأمها.

-رنيم، بضحكة وابتسامة خبيثة: "مبروك بالمناسبة."

-ياسمين: "علي ايه؟"

-رنيم: "فاكرة الورق اللي رميتيه في الزباله وقت ما

كنتي حابسة نفسك."

-ياسمين، بترقب: "ايوة؟"

"مالها؟"

-رنيم: "لمت الورق ده، واديته لخالك

وخالك عجبته اوي الرواية، بيقول انها واحدة من احسن الروايات

اللي قرأها من فترة طويلة. فقرر ينشرها

في دار نشره."

-ياسمين، بهدوء: "وانت مفكر تيش تقولي؟"

-رنيم، بملل: "لأ. يعني واحدة رمت شغلها في الزباله، معتقدش انه هيمها

شغلها هيتعمل فيه ايه"

-ياسمين، محاولة الحفاظ علي ربط جشأها: "طيب. عشان كده كانوا بيباركولي في الجامعة

بس دع عادي اي كلب معدي ممكن ينشر رواية."

-رنيم: "بس مش كلهم بيترشحوا لجائزة سوايرس

وجائزة الابداع العربي والبوكر كلهم في نفس الوقت."

-قطع-

مشهد 99

نهار اداخلي-كوفي شوب

"نستمع الي الصوت بينما الصورة لا تزال في المشهد الفائت."

-ياسمين: "وبتقولهاالي عادي كده."

نري ياسمين تجلس قبالة مالك.

-مالك، بضحكة: "قوليلي كده جيهان

قالتلك ايه تاني؟"

-ياسمين، بضحكة: "لسه عارفة ان ايه مقدمة

علي نفس المسابقة مع روايتها، وروايتها متقبلتش."

-مالك: "اخرة السلكان."

يضحكا كل منهما.

-ياسمين، بعد برهة، بجدية: "انا بجد مش عارفة اعمل ايه."

-مالك: "حاجتين مهمين، اولهم انك تبدأي تكتبي رواية تانية.

وبما ان بقي ليك اسم فاي كتاب بعد كده هيتنشرلك هينجح."

-ياسمين، بابتسامة: "هكتب عن البويريند اللي بيجو عني."

تمسك ياسمين بقطعة الحلوي امام مالك، وتأخذ قطعة منها.

-مالك، بابتسامة: "بس انا مش بويريند."

-ياسمين، بينما تلعب بشوكتها المليئة بالشيز كيك: "اه. بعد كل الديتس ديه

الموضوع مش اوبشينال،

انت

Officially my boyfriend"

ولكن عندما تضع الحلوي في فمها، تشعر بشئ غريب في فمها، وتخرجه فورا.

-مالك، مشيرا للشئ الذي خرج للتو من فم ياسمين: "ديه تاني حاجة المفروض تعملها."

تنظر ياسمين للشئ الذي تمسكه، وتعلو وجهها الفاجأة، تري ان ذاك الشئ هو خاتم.

-مالك: "تتجوزيني؟"

-قطع-

